

新集二十七之二十

諸寺

諸監

事文類聚

新宮城書藏

3
加
168167
936



13
167
38

新編古今事文類聚新集卷之二十七

南江 富大用 時可 編

金陵 唐富春 子和 刊

諸寺部

大理寺卿

歷代沿革大理古司刑官也舜命臯陶作士正五刑孔安國曰

理官也周官為司寇晉文公使李離為理秦置廷尉掌刑辟


有正左右監漢因之景帝更名大理武帝復為廷尉宣帝置

左右廷尉平哀帝復為大理取天宮貴人之牢曰大理之義

後漢復為廷尉郡國讞疑皆處當以報魏復為大理復改廷

尉以世宗為之而郭氏尤盛郭氏自弘後數世傳法律子孫

利
267
39



大理寺卿

至廷尉者七人

宋為秋卿加卿字曰廷尉**北齊**復為內之卿

隋為大理寺**唐**因之卿一人少卿二人龍朔二年改為詳刑

寺咸亨復武后光宅元年改為司刑寺神龍復卿一人掌鞠

獄定刑決諸疑讞**宋**大理寺以朝官一員或二員判寺事一

員兼少卿事建隆二年以工部尚書竇儀判寺事會要故事

臺省長官兼判公事得言判某官事如晉朝尚書左丞崔祝

兼判太常卿事是也若止言寺事則其屬丞正並可行之竇

儀兼判太常寺又兼判大理寺事皆一例也 凡獄訟之事隨

官司決劾不復聽訊但掌斷天下奏獄送審刑院詳訖同書

以上于朝熙寧九年神宗謂國初廢大理獄非是以問孫洙

洙對合旨於是下詔以京師官寺凡有獄皆繫開封府司錄

司及左右軍巡二院囚逮猥多難於隔訊又暑多疫死因緣

留滯動涉歲時稽叅故爭宜屬理官可復置大理獄天下奏

案刑部審刑院詳斷置卿一少卿二丞四官制行左斷刑右

治獄各五案 左聽斷刑口詳刑詳讞宣黃分簿奏表右聽治

獄日左推右推寺案知雜檢治 卿掌折獄詳刑鞠獄之事凡

職務分左右天下奏劾命官將校及大辟囚以下以疑請讞

者隸左斷刑則司直評事詳斷丞議之正審之若在京百司

事當推治或特旨委勘及係官之物應追寃者隸右治獄則

丞專推鞠蓋少卿分領其事而卿總焉建炎二年併省寺監

而大理如故省卿而斷刑治獄少卿各一員 **元**仍唐宋舊置

大理寺掌審斷天下奏案凡刑獄之事以大理卿為之長

羣書要語 帝曰臯陶汝作士五刑有服五服三就五流有宅五

宅三居惟明克允書舜典 帝曰臯陶惟茲臣庶罔或干于正汝

作士明于五刑以弼五教大禹謨 宥過無大刑故無小罪疑惟

輕功疑惟重臯陶 臯陶為大理天下無虐刑文子 大理曰大棘

鄭氏談綺 大理掌折獄詳刑鞠獄之事初學記 凡聽五刑之訟

成獄辭史氏以獄成告於王王聽之正獄成告於大司寇聽之

棘木之下注 正周卿師之屬竹刑棘署三尺記王制 又聽獄於

棘木之署白氏六帖 以五聽察其情一曰氣聽二曰色聽三曰

視聽四曰聲聽五曰詞聽以三慮盡其情一曰明慎以讞獄二

曰哀矜以雪冤三曰公平以鞠庶獄六典 舜命臯陶刑惟明允

漢尊定國道在寬仁六帖 漢用平允任先張釋魏推明察選在

鍾繇 官尊九寺位重三章並同上 大理寺專獄狂視刑書我

國家生人之司命也元微之行表重光制 榮加天寵職察雲司

必能利用文明哀矜庶獄陳子昂為司刑卿讓官表 邈矣臯陶

翊唐作士設為狎狴九則允理如石之平如淵之深三槐九棘

以質以聽理臣司律敢告執獄後漢崔德正箴 天降五刑惟夏

之績亂茲平人不回不僻楊雄廷尉箴 矧古士官為今理寺典

于庶獄糾是羣司賡表類

詩句 上卿才大名不朽蚤朝至尊暮求友高適宴大理寺卿

古今事實

石奢守法

楚昭王有 一曰石奢者公正好義王使為大理於是廷有殺人

者奢追之即其父也遂反於廷曰殺人者父也以父成政不孝不行君法不忠弛罪廢法而伏其辜僕之所守也伏斧鑕命在君君曰追而不及庸有罪乎子其治事矣石奢曰不私其父非孝也不行君法非忠也以死罪生非廉也君舍之上之慮也臣不敢失法下之行也遂不離斧鑕刎頸而死于庭

新序

李離伏罪

晉文公時李離為大理過聽殺不辜自繫曰臣之罪當死文公令之曰官有上下罰有輕重是下吏之罪也非子之過也離曰臣居官為長不與下吏議位受爵為多不與下吏分利今過聽殺無罪臣之罪當死遂伏劍而死

以稱朕意

唐臨累遷大理卿貞觀八年問獄囚係之數對曰見囚五十餘人唯二人合死上怡然謂曰昔東宮卿已事朕以疇昔相婁故授卿此任然為國之要在用法法刻則人殘寬則失有罪惟是折中稱稱意

唐史

曲盡人情

隋楊汪守大理卿帝將親省囚徒其時計囚二百餘人汪通宵寃審朝而奏曲盡人情帝甚嘉之

久在廷尉

國初劇可久拜大理卿性沉毅方正在廷尉四十年用法平允以仁恕稱

分紀

超拜侍中

張文瓘兼大理卿至官旬日斷疑獄四百抵罪者無怨言文瓘有疾繫囚相與齋禱願其視事當時咸稱其執法平恕比戴冒焉拜侍中大理諸囚一時慟哭其感動人心如此

奉法持正

鄭善果為卿奉法持正風績顯於公卿

持法明審

范說為卿持法明審並職林

戴冒據正

唐戴冒為大理卿犯顏據正多處法意隨類指擿言若湧泉

唐卿非寬

唐臨遷大理卿高宗親錄囚前卿所斷者悉號叫稱冤臨所

入者獨無言帝怪問狀囚曰唐卿所斷既非冤濫所以絕意爾

得賢為盛

唐朝以來有劉德威張文瓘唐臨為大理卿設官之重得賢之

盛人到于今稱之白集

治獄見稱

王殷為大理務在寬恕與鍾繇以治獄見稱同上

無阿朕意

唐貞觀八年上謂大理實誕曰法官卿為之長也朕以至公臨

天下法之所行無捨親昵卿當保所長棄所短無阿朕意以虧

憲典本傳

誠在至上

劉德威爲大理卿太宗問德威曰近來刑網稍密其過安在德威奏言誠在皇上不由臣下人主好寬則寬好急則急律云失入減三等失出減五等今則反是無辜失出則便獲大罪所以吏各自愛競執深文非有教使之然畏罪之所致耳太宗然之更遺衣食

唐張道原拜大理卿何稠士澄得罪籍其家屬賜羣臣道原曰禍福何常安可因已之泰利人之否取其子女以爲僕妾豈仁者之心皆捨之一無所取更資以衣食遺之

不樂法家

元澹遷大理卿不樂法家因謝所居官

六帖

比漢于張

唐徐有功曰身爲大理人命所懸不能順旨詭辭以求苟安時

人比漢于張

並唐書

稱同于張

晉潘岳陽荊州誄曰惟此大理國之憲章聽參臯呂稱侔于張

初學記

不受贓錢

向敏中判大理寺時没入祖吉贓錢分賜法吏敏中引鐘離意

委珠事獨不受

國史

不賀獄空

李浩大理奏結獄上顧輔臣曰棘寺當得剛正如李浩者爲之已而卿闕上曰無易李浩遂除大理卿故事寺獄空上表賀公

獨不奏言行錄

古今類集

雜著

刑法論

楊廷秀

臣聞古之立法不惟懲天下之已犯亦以折天下之未犯蓋已犯之必懲未犯之所以必折也是故懲之者法之義折之者法之仁義行故其仁不窮仁行故義不數仁義相有而不相無此法之利也後之法非無仁義也利未見而害先焉者義數而仁窮而已義不可數數則民怨仁不可窮窮則民狎狎則犯者衆而刑者數然則刑至於數者不生於刑之數而生於仁之窮民至於怨者不生於怨其刑而生於狎其法今夫民之情固喜溫

而惡寒欲涼而畏熱也然冬不寒夏不熱則民病而死矣人知夫法之仁也不知夫狎之而死也是故愛極者恩之所從銷寬甚者猛之所自起古之聖人其法初不及後世之備也惟使不仁之窮而民之狎也是以法立而刑不試後之法蓋詳且密矣然文詳而舉之也略網密而漏之也踈天下之民窺其略也則知其詳必至於不舉習其踈也則知其密必至於甚漏知其不舉則犯之也易知其甚漏則犯之也頻刑安民不數而民安得不怨哉嗟乎求用刑之踈者必至於用刑之數求天下之喜者必反以得天下之怨理固然也然則所謂舉之略而漏之踈者何也一曰法不執而多爲之歧二曰法徒設而自廢其禁罪莫大於殺人罪至於殺人何以議爲也則亦殺之而已漢高帝如

此其寬仁也入關之初欲結天下之心如此其亟也欲除秦法之苛如此其銳也而其與民約法亦曰殺人者死帝不以爲疑民亦不以爲請何則上下皆便其當然也殺人而法不成就不相殺以至於大亂哉此豈所謂當然而天下何便於此也故雖高帝欲取天下之速而不敢宥殺人之罪以諂天下之心雖秦民之苦於秦而不以高帝之不宥殺人爲帝之虐然則古之立法之意可知已矣而今之法不然殺人一也則有曰盜曰鬪之目焉則有曰故曰謀曰誤之別焉曰盜曰謀曰故者法之所必死也曰鬪則死生之間也曰誤則生矣果誤也而殺人也又况所謂誤者未必誤而所謂非謀非故者未必非謀非故也何則法不執而更可賣更可賣而民可遁有司取其獄而讀之曰此

真誤殺也不知夫吏之竊笑也此之謂法不執而多爲之歧夫民之所以畏法者何也非畏法也畏刑也法不用則爲法法用之則爲刑民不犯則爲法民犯之則爲刑是以畏之也有法而不用不如無法何則無法則民未測其罪之所當有法而不用則民知其法之不足忌有法而民不忌是故布之號令不曰號令而曰空言垂之簡書不曰簡書而曰文具法至於爲空言文具是無法賢於有法也古之法始乎必用而終乎無所用今之法始乎不用而終乎不勝用夫法不求民之入而拒民之入者也古之法民不入也不招以入而民之入也不縱以出夫惟不出是以不入故始乎必用而終乎無所用今之法有曰誣人以罪而不實者罪之以其罪自大辟以降皆是物也而用法者不

然以一夫之片紙而興大獄鞠大罪也卒之所謂大獄者初無
獄之可與所謂大罪者亦無罪之可鞠上之人則俱釋之而已
矣受誣者至於破家亡身而誣人者其極不過杖而遣則奸民
何憚而不屢誣善良以求利也哉獄訟何時而可清也故始乎
法不用而終乎法不勝用此之謂法徒設而自廢其禁蓋人有
野於宅而盜於防者其始峻其墻而止出於一門又從而衛之
以兵非以制其出者也以制其入者也夫是以盜不敢過未幾
而慮夫樵牧者出入之迂也則鑿其東而門焉又鑿其西而門
焉門多且徑而不能皆衛也則至於有門而不扃焉門多且徑
則盜從其徑者而入之矣有門不扃則羣盜掉臂而入矣法不
執而多爲之歧孰不從其徑而入哉法徒設而自廢其禁孰不
掉臂而入哉臣願朝廷詳慮而審處之如殺人者不宥此法不
可以更議而誣訴者罪以其罪此法可以必行議其所當議而
行其所不行則成康丕式之事雖未易致也而漢文幾措之風
其猶可及也歟

鳥巢大理寺獄戶賦

韓 鋐

皇帝恩霑庶類道格玄功化覃於萬國之間苛慝不作鳥巢於
囹圜之內囹圜知空足驗時清可知刑措蒼鷹莫鷙寧懷獄吏
之憂疎網無加豈有虞人之懼定國徒美於詳明何施善政治
長不罹於縲紲豈見銜冤

大理少卿

歷代沿革

後魏

置少卿

北齊

及隋

因之

唐

置二人

宋

以朝官一

負兼少卿事神宗置大理獄少卿二員以蹇周輔楊汲為之分左斷刑右治獄元豐初循唐制歸百司獄于大理周輔首選為少卿建炎中興省大理卿而少卿二員如故元仍唐采舊置大理少卿

羣書要語

遷少大理

韓文

屈居亞列未副羣情

同上

參典之官

南豐擬制

貳正之選

同上除韓晉卿

詩句佐棘竟誰同因思證聖中事雖亡復報理合有陰功

古今事實

行若登仙

唐倪若水開元初班景倩自揚州採訪使入為少卿過州若水餞于郊顧左右曰班公是行若登仙吾恨不得為騶未幾入為

戶部

唐書

薦為宰相

張柬之傳武后它日求人仁傑曰臣嘗薦張柬之未用也后曰遷之矣曰臣薦宰相而為司馬非用之乃授司刑少卿

唐書

真為長者

鄭利用餘慶從父兄也真長者由大理少卿為御史中丞後由中丞為大理卿

妙選正人

唐太宗謂侍臣曰大理之職人命所懸當妙選正人用心存法無過戴胃者乃以為少卿

唐新語

所守公法

唐徐有功轉司刑少卿皇甫文備誣有功縱逆黨久之文備坐
事下獄有功出之或曰彼常陷公於死今生之何也對曰爾所
言者私忿我所守者公法不可以私害公

綽論撼木

隋高祖禁惡錢有二人入市以惡錢易者上令斬之綽曰此人
當杖上曰撼大木不動者當退對曰臣望感天心何論動木上
乃止

孫諫走馬

孫伏伽轉大理少卿太宗嘗馬射上書諫曰臣聞千金之子坐
不書堂百金之子立不倚衡以此言之天下之主不可履險乘
危明矣竊聞陛下猶自走馬射獵娛悅近臣竊爲陛下有所不

取也此祇是少年諸王之所務豈得旣爲天子今日猶行之乎
陛下雖欲自輕其柰社稷天下何太宗覽之大悅

執法一心

隋趙綽爲少卿時刑侍辛亶嘗衣緋褌上以爲厭蠱將斬之綽
曰據罪不當死上怒將斬之對曰執法一心不可惜死上入良
久乃釋之賜絹三百段

有司常典

源師煬帝時爲大理少卿帝出顯仁宮敕衛士不得輒離所守
有一主帥私令衛士出外帝付大理師據律當徒帝令斬之師
奏曰若陛下初便殺之自可不關文墨旣付有司義歸常典或
宿衛近侍更有此犯將何以加之帝乃止

並隋書

論情免死

吏部尚書長孫無忌不解佩刀入東上閣門封德彝議以監門校尉不覺當死無忌罰銅二百斤戴胄駁曰若論其誤則爲情一也而生死頓殊敢以同請上嘉之竟免校尉死

論獄無冤

戴胄論刑獄事皆無冤濫參處法意至析秋毫隨類指擿言若湧泉一無遺慮帝益重之

司刑平反

徐有功爲少卿時周興來俊臣等羅織天下衣冠近族者數千百家有功司刑平反者不可勝紀時人方于定國

執論守正

崔昇兄元暉位宰相先是酷吏誣籍數百家元暉開陳其枉宋璟劾張昌宗不執事元暉頗助璟及有司正張昌宗罪而元暉弟昇爲司刑少卿執論大辟兄弟守正

請崇寬簡

唐韓瑗武德初爲大理少卿受詔掌定律令瑗言於高祖曰官吏至公自當奉法苟若徇己豈顧刑名請崇寬簡以允惟新之望高祖然之於是採定開皇律行之

當示大信

戴胄遷大理少卿犯顏執法者甚多時有託資蔭冒牒取調者詔許自首不首罪當死俄有詐得者獄具胄以法當流帝曰朕詔不首者死而今當流是示天下不以信卿賣獄耶胄曰法者

布大信於民言乃一時喜怒所發陛下以一朝忿將殺之既知不可而責於法此忍小忍存大信也若阿忿違信臣爲陛下惜之帝大感悟

奏莫搖動

太和四年大理少卿崔杞奏大理寺即陛下守法之司一定之制不可搖動若朝示而暮改同罪而異刑則人何所措其手足

續通典

號爲明習

仁宗時陳太素權大理少卿又判大理寺號爲明習法令

國史

議頗近厚

宋少卿王表多稱長者上謂宰執曰表以淳朴治獄既要人情

又不可慘刻張守曰表雖法科言行刑頗近厚

持以明恕

呂忠穆公頤浩爲相上謂宰執曰昨日大理少卿元袞面奏朕戒以持法明恕頤浩曰惟明克允乃用刑所先也

古今文集

大理寺正

歷代沿革 **正周**卿師之屬**秦**置廷尉正一人**漢**廷尉正監及平謂之廷尉三官秩千石**梁**服獬豸冠銅印墨綬第六品**隋**煬帝增置六人**唐**置二人龍朔改爲詳刑大夫光宅中爲司刑後復故掌議獄正科條凡丞斷罪有不當者則以法正之掌參議刑辟詳正科條之事**宋**神宗復置大理獄後置寺正元

豐五年刑部奏乞分評事司直與正為斷司丞與長貳為議
司凡斷案先上正看詳當否論難改正然後過議司復議建
炎併省斷刑治獄寺正各置一員元仍宋舊置大理寺正

群書要語成獄辭吏以告于正王聽之王制鷄鳩作士雖參聽

棘之言許公集爾其明習刑書往正寺事初察制儀刑典獄惟

明克允除葉預制正於理官參贊為重南豐制

詩句古風真往哲雅道濫朝聞治獄威豪右銷時賴典墳大理

正任章和江淹擬古章寄來詩垂印銀棘庭持斧柏臺綱范成

古今事類

南土秀望

晉顧榮字彥先以南土秀望累遷廷尉正

寺中二絕

宋世軌為廷尉少卿蘇軾之為正寺中語曰決定嫌疑蘇軾之
視表見裏蘇世軌人以為二絕北史

何家陰德

何氏家傳云比干夢貴客車騎滿門覺以語妻語未已有老姥
謂比干曰公有陰德今天錫君策因出懷中符策狀如簡長九
寸凡九百九十枚以授比干子孫佩綬者當如此自汝陰徙
平陵代為名族分紀

顧協清嚴

顧協初為廷尉正冬服單薄寺卿蔡法度欲將襦與之憚其清

嚴不敢啓口

南史

黃霸持平

漢宣帝聞黃霸持法平召爲正數決獄廷中稱平

比干濟活

漢張湯與何比干同時爲寺正湯持法深而比干務仁恕數與湯爭所濟活者千數

罪宥所疑

魏司馬芝遷大理正有盜官絹置都厠上者吏疑女工妝以付獄芝曰刑罪之失失在苛暴今贓物先得而後訊其辭若不勝掠必致誣服誣服之情不可以折獄且簡而易從大人之化也不失有罪庸世之治耳今宥所疑以隆易從之義不亦可乎太祖從其議

祖從其議

魏志

推察得情

蘇瓊爲廷尉正時畢義雲爲御史中丞以猛暴任職理官忌憚莫敢有違瓊推察務在得情雪者甚衆寺署臺按始自於瓊也

北史

上應正論

唐王志愔爲大理正奏言法令者人之隄防不立則人無所禁竊見大理官負多不奉法以縱罪爲寬恕以守文爲苛劾遂上應正論以見志

唐書

奏明律令

魏陳琳橋玄奏琳明律令徵拜廷尉正

持法平允

宋范旻質之子也判大理寺正持法平允

太宗實錄

議獄平允

孔承恭遷大理正議獄平允權判大理少卿

南豐制

諸寺部

大理寺丞

歷代沿革

武寧咸寧中因曹志上書請廷尉置丞隋改為勾

檢官唐置丞六人掌分判寺事正刑之輕重宋神宗復置大

理獄丞四員命少卿舉官元豐五年命莫君陳等九人為大

理寺丞始自朝廷差官也舊制斷刑寺丞六員建炎三年減

三員治獄寺丞減二員元仍唐宋舊制大理寺丞

羣書要語前為廷丞察獄詳刑頗聞敬謹

白集行薛元賞制 卷

茲廷尉設屬惟良爾通敏有稱宜丞寺事

初察制 宜丞棘路

文恭行皇甫采制

往丞法卿

張子諒制

參丞理官

張靖制

進丞

法局

徐仲容制

進丞讞寺

郭京制

稍遷讞丞

刁總制

用除棘路

之丞往治竹刑之書

王尹制

擢丞京司典治刑讞

呂湜制

治讞

之丞

尹立制

往司李法之讞

李偉制黃帝李法見漢書胡建傳

進丞卿讞

晏詹制

擢任法卿之丞參司刑讞之典

並胡文恭行

毛維藩制

法卿貴丞

公是行暢均制

往贊廷理

符穆之制

古今事實

生歿所遇

唐杜景佺徐有功為司刑丞與來俊臣侯思止同理獄人稱之

日遇徐杜必生遇來侯必死唐書

生死不離

胡元禮自丞遷少卿嘗出一死囚元禮判殺之曰元禮不離刑曹此人無活法李日知報曰日知不離刑曹此人無死法竟以

兩狀申日知果直御史臺記

上大寶箴

張蘊古太宗初即位上大寶箴太宗嘉之賜以束帛除大理丞初河內人李好德素有風疾而語涉妄妖蘊古究其獄稱好德癩病有徵法不當坐御史權萬紀劾蘊古情在阿縱奏事不實太宗大怒小子乃敢亂吾法邪令斬於東市太宗尋悔因發制凡決死皆命所司五覆奏自蘊古始

解善才罪

武衛大將軍權善才坐誤斫昭陵柏樹仁傑奏罪當免職高宗令誅之仁傑曰陛下必用變法請從今日始臣不敢奉制殺善才陷陛下於無道帝意解善才因而免死並唐書

用法寬平

李日知遷司刑丞時用法嚴急日知獨寬平無冤濫者唐書

斷獄無冤

狄仁傑為大理丞周歲斷獄一萬七千人時稱平恕無冤訴者

策陳邊事

宋天聖中大理寺丞石延年上書陳十策乞選練兵級言西夏必叛朝廷不以為然及元昊反上思其言召見乞奉使河東籍

兵回稱旨上曰知卿才久矣

書言還政

石延年遷大理丞上書言天子春秋已盛太后不當聽政及奉使河東回得秘閣校勘

古今文集

古詩

江陵道中呈李孫三學士

韓愈

棲棲法曹椽何處事卑陬生平企仁義所學皆孔周蚤知大理官不列三臺儔何況清犴獄敲榜發奸偷懸知失事勢猶羅

大理司直

歷代沿革

永安三年高穆奏置司直十人位在正監上不

署曹事唯覆理御史檢劾事唐置六人掌丞制出使推覆若

寺有疑獄則參議之宋熙寧中置大理獄至元豐五年始命

程嗣先四人為司直建炎三年詔斷刑司直兼治獄司直其

治獄司直元仍唐宋舊置大理司直

群書要語

關

不耻青袍故尤宜白髮新

李嘉祐送韋司直西行詩

清絕

聞詩語疏通豈法流傳家有衣鉢斷獄盡春秋

東坡和許朝奉

詩驂騑事天子辛苦在道路司直非冗官荒山甚無趣

杜甫送

高司直尋封聞州詩

古今事實

馳傳決獄

唐王祚為司直馳傳決獄所至仁平 唐書

連署斷獄

大理司直凡大理斷獄皆連署 白氏六帖

先進魚書

司直凡承制而出先請魚書以往 同上

進列理官

鍾邦彥除大理司直制 云 進列理官

大理評事

歷代沿革 漢 宣帝初於廷尉置左右平秩六百石負四人 後漢

光武省右平惟有左平掌平決詔獄冠法冠 魏晉 以來無左

右兩直謂之廷尉平 隋 置大理評事 唐 貞觀中褚遂良議重

法官奏置評事十員掌出使推覆後加為十二員 宋 熙寧置

大理獄至元豐五年始命張仲穎等十二人為評事隆興二

年詔大理評事以八員為額 元 仍唐宋舊置大理評事

群書要語或問近世名卿曰若張廷尉之平 楊子 預參評於詔

獄 唐 陳子昂為陳舍人讓官表 評刑比寺鷓鴣之政無聞 同上

俾參評讞之聯 胡文恭行陳知德制 特寵法卿之屬俾參詔獄

之評 趙真卿制 對司理法之平 王鑑制 佐法卿之評 張希甫制

升屬列卿平亭疑法 陳叔度制 擢任刑評 崔公孺制 俾評刑於

卿屬 喻祐甫制 刑讞是評 並胡文恭行馬琮制 俾諫議讞 初寮

王恬制 秋官覆天下之獄而其屬能平亭其所疑 王岐公集

詩句 廷評近要津 杜甫送王評事 勿嫌法官未登朝 韓詩 評事

不讀律博士不尋常

張鷟車載斗量詩

佇聞明主用豈負青雲

姿

岑參送顏評事

棘寺初銜命梅仙已誤身

劉喜卿夜宴評事

拜命詩

古今事實

擢拜理評

唐杜暹授鄭尉以清節見知華州司馬楊孚公直士也深賞重之孚遷大理正暹坐公事下法司結罪孚謂人曰若此尉得罪則公清之士何以勸矣特薦之於執政由是擢大理評事

改授殿直

有陳舜封者舉進士為大理評事因奏事頗言語捷給舉止類倡優上詰之自言其父承業善箏為都知上謂宰相曰此雜類安得任清望官蓋執政不為國家區別品流之所致即改授殿直

其為置平

漢宣帝詔曰吏用法巧文滋深其為置亭平其務平之於是選用于定國黃霸等

漢書

不宜廣濫

晉顧榮遷拜廷尉平時趙王倫欲誅淮南王元允官屬下廷尉議罪榮謂不宜廣濫倫意解賴榮濟者甚眾

中興書

以行能遷

馬宮行能高潔遷廷尉平

並同上

上便宜除

晉何攀上便宜除廷尉平 晉史

反覆詰對

敬昭道為評事時沂州有反者詰誤坐者四百餘人昭道反覆詰對執政無以奪詰誤者悉免 唐新語

叱咤風生

王敬由為評事奉使河南叱咤風生到廣陵訪裴謚謚曰評公使車留此一宿得無驚郡將乎 廣記

居九寺省

唐姚正操云自余以評事入臺後相繼不絕韓琬以為不然自則天好法刑曹望居九寺之首以此評事多入臺迄今為雅例非正操所能升降也

號三緊官 又見拾遺門

拾遺立緊評事出緊赤尉坐緊緊者以其御思按覆彈射不法也故俗號三緊官 又大理刑獄之司自卿已下每以明詳法理者為之吏部參注拾遺評事皆以才望清高標格孤秀者署之俗號為三緊官 西京雜記

古今文集

雜著

涿郡太守上宣帝書

鄭昌

聖王之法明刑者非以為理救衰亂之起也今明主躬垂明聽不置廷評獄將自正若開後嗣不若刪定律令律令一定愚人知所避就姦吏無所弄今不正其本而置廷平以理其求正衰

德怠則廷評將招權而為亂首矣

崔評事墓銘

韓愈

君諱諭博陵安平人通儒書江南人士多從之遊汝州刺史吳郡陸長源引為防禦判官表授試大理評事貞元十五年終于家銘曰朝之言嘻嘻夕之言怡怡皆入而出乘馬而馳一日不見而歎其可悲

裴評事墓誌

柳宗元

穆曰起居郎生均州刺史均州與其弟大理裴伯言更為刑部郎用文吏名于朝善杜禮書長子曰某射進士策進大理評事當伐蔡及鄆汴常為軍首贊佐有勞元和十四年終于河南銘曰世守不遷秀士鄉不利有司爰咨于梁梁秀其射乃相戎

政宮臣理屬

官臣太子舍人理屬大理評事

仍受國命南蔡北

曹五載首兵柔剛輔理平視大平馬牛既寧告成于京棧車草草我來周道載饑載勞神奪其孝形經于洛魂其焉如

新編古今事文類聚新集卷之二十七

事文類聚新集

卷之二十七

三十一

德壽堂

新編古今事文類聚新集卷之二十八

南江

富大用

時可

編

金陵

唐富春

子和

刊

諸寺部

大司農

附司農卿

歷代沿革

少皞氏

以九扈為九農正

扈通典作鳴**鳴鳥也鳴**

有九種以為農號

舜命棄為后稷播時百穀**周**禮有太府掌

九賦九貢**秦**為治粟內史掌穀貨韓信歸**漢**為治粟內史掌

九穀六畜之供膳羞者凡郡國諸倉農監都水六十五官皆

屬焉通典云屬官有太倉均輸平準都內籍田五令丞平帝

改曰義和以劉歆為之又改為納言**後漢**為大司農掌諸錢

谷金帛及諸貨幣郡國四時上月旦見錢谷簿邊郡諸官請調度者皆為給報損多益寡取相給足郡國監官缺官並屬歷代皆有**梁**置十二卿以署為寺官為春卿**唐**有司農卿龍朔改為司稼咸亨復卿掌邦國倉儲委積之事摠四寺諸監

謹其出納摠上林太倉鉤盾導官四署京師百官廩祿皆仰給焉朝會祭祀共御所須皆共焉孟春黃帝親籍田之禮有事於先農則奉進耒耜季冬歲永祭司農以黑牡秬黍仲春

啓亦亦如之。

宋司農寺判寺事二人以兩制或朝官以上

充熙寧二年立常平欵散法三年詔以新法付司農寺而農

田水利免役保甲等法悉自司農講行元豐官制行寺監不

治外事遂循舊典正其職秩司農舊職悉歸戶部右曹續會

要司農掌倉儲委積之政令總苑囿庫務之事而謹其出納

京都吏祿廩諸路歲運至京師悉掌焉凡苑囿行幸排此及

薦饗進御頒賜植藏之物與造麩藥給薪炭皆戒有司以時

辨具天子親耕籍田則奉耒耜所隸官屬凡五十倉二十有

五草場十有二排岸司四園苑四建炎三年詔罷司農寺紹

興四年復置司農寺卿少各特置一員**元**置大司農司有大

司農及卿少卿丞等員

群書要語太府掌九賦九貢**注**云王者王治藏之長若今司農

矣周禮太府下大夫同上九扈為九農正扈民無徭者也九庫

天倉者司農也天文要集司農少府國之泉也史游急就篇量

者龔合升斗斛也職在太倉司農掌之漢律歷志惟時大農爰

司金谷粒民是職帝王之盛實在農殖又曰農臣司均楊雄文

司農歲改授農政于彼野王倉盈瘦億國富兵疆文選乃司大

農掌是六府崔瑗鮑德謀陳粟萬石楊以歛之漢武帝柏梁詩

阜茂豐物和鈞關石張華箴稽臣司農同上命爾司稷之位公

是行魏棡制冠儀農扈慶元制農天下之本也故國有九列而

司農氏居其一焉唐元稹行裝武授制假以秩宗之榮用制國

泉之重同上

古人事實

行不賣糧

前漢鄭當時為大司農門下亡貴賤亡留門者執賓禮以下山

東諸公翕然稱鄭莊武帝曰吾聞鄭莊行千里不賣糧

居處節儉

漢宣帝時北海太守朱邑以治行第一為大司農居處節儉

以清明掌

漢朱邑為大司農張敞與邑書曰足下以清明之德掌周稷之

業並漢書

以清白稱

高詡字季回以儒學徵拜大司農在朝以清白方正稱東觀漢記

稱為名卿

牟融為大司農性明達稱為名卿同上

稱以清正

後漢鄭眾為司農在位以清正稱

論議便宜

耿國為大司農曉邊事能論議數上便宜事天子器之

學問博通

王孫端學問博通為大司農

非儒不選

唐裴武授制非牟融之循理康成之儒學不在茲選

元稹傳

非德不交

趙典字仲經為大司農閉門却掃非德不交

並續漢志

漢崇儒學

漢崇儒學選正鄭玄注以公車徵為大司農給安車一乘所過

長吏迎送六帖

晉寵貞廉

晉寵貞廉任先崔氏注晉崔洪為司農手不執珠玉口不言貨

財六帖

古今文集

雜著

司農寺壁記

張維

漢置九卿大司農其一也初由治粟內史錢谷之間實專其責後又置五尚書分主曹事魏稍損益之始置度支尚書掌軍國支計而大司農之職分矣其屬有度支左戶右戶倉部金部見於齊志隋更左右戶曰戶部又更度支尚書曰戶部尚書唐因之初亡所革至中葉國一不足始置蓋鈇使繼又置度支使未

幾罷使名而以戶部侍郎判度支兼諸道租庸鹽鈔使歷五代以戶部度支鹽鈔為三司於是有三司使或以重臣判三司或以宰臣分判一司或以租庸使管轄三司至于國朝則置左右計使總計使既又罷之三司使如初元豐官制行三司并入戶部唯常平免役新法與夫農田水利則隸司農太上中興司農勿用紹興三年復置一丞而卿少主簿駸駸復矣淳熙三年春治新寺宇舊題名弗稱迺礪石以易之卿李椿屬維紀事維竊謂九卿非古也周官六卿與三少為九漢儒附會之說也今倣周制為六部以戶部掌國計而司農猶為列卿贅矣况倉儲出納自昔太倉令主之蓋大司農之屬猶今之倉部也以列卿而行太倉今日惟倉部要束是聽位雖高勢出倉部下至於軍餉肅給罷於奔命世謂走卿辱矣維下走也不敢謂辱而維贅是羞又安能紀事乎然堯舜在上聖政日新稽古建官將又取於斯云

司農少卿

歷代沿革 後魏北齊 司農寺置少卿 隋唐 因之 宋 元豐正名置

少卿為卿之貳 建炎三年省紹興四年復置司農卿少各一員 元 大司農之下有少卿

群書要語 擢貳農正 曲阜行韓正彥制 升亞列卿之秩往司庶

士之生茲為稷官 胡文恭行司農少卿制

古今事實

賜絹數十匹

唐韋機拜少卿有宦者於苑中犯法機杖而後奏高宗嗟賞賜絹數十匹

貯錢三十萬

韋機受詔檢校東都管田苑囿之事高宗謂之曰官館隋代所造漸將摧毀頗欲修葺又費財力如何機奏曰臣任司農向已十年前後省費今見貯錢三十萬貫若以供葺理可不勞而就也上大悅同上

責任甚重

國朝莫濟除少卿自禮部員外郎除魏杞奏曰濟常中詞科且掌南官牋奏恐議者以為蹊輕未退上曰中都官不清濁如司農責任亦甚重以士人除授亦無害也濟尋奏久任責實詔

所論甚當司史

奏和糴沒官錢

李浩除少卿時朝廷和糴八百萬石而董事者皆有憑特賤糴惡濕以欺沒官錢戶部不敢詰公視事即奏請下有司治大理附會戶部以支為盤公力爭曰是非徒惠姦且虧軍食上是其議言行錄

可嘉熊本

熊本判司農寺丞神宗曰熊本不傷財不害民一旦去百年之患撤奏詳明可嘉也東都事略

親擢高夔

高夔字仲一上親擢為司農少卿倉地卑君始梁空敷板米以

是不腐 周益公集

司農丞

歷代公革 秦治粟內史有兩丞 漢司農丞亦二人或謂之中丞
平帝又置大司農部丞十三人人部一州勸農桑 後漢司農
丞一人部丞一人 魏晉因之銅印黃綬進賢一梁冠 宋齊以
黑綬 唐有六人掌判寺事少卿為卿貳而丞叅領寺事 宋新
法行呂惠卿請始置司農寺丞一員以農田水利免役保甲
之法付司農熙寧五年增置丞四員仍與簿輪出按察逐州
保甲元豐四年舒亶請止留丞一員餘並罷明年改制以司
農舊職悉付戶部右曹而始循唐典正其秩職建炎三年詔
罷司農寺紹興三年復置寺丞二員 元大司農司有司農丞

辭書要語 擢貳農正 世阜制 大農事歸地官而丞事一簡 蔡城

行禮執制 厚亦有捋其身蹈履絕檢擢丞農扈以試爾能 張子

胡行呂措除農丞制

古今事實

給邊省運

唐耿壽昌為大司農中丞奏設常平倉給北邊省轉運

管諸會計

祭弘羊為大司農中丞管諸會計事 漢書

介通嚴恕

宋 葉顥字子昂謚正簡迂司農寺丞在朝三年非公事未嘗
至丞相府樞密王綸知公恬退而未知其德性欲試以事一日

官誥院失錦一端命公治之公請寬其慢藏之罪於是綸大喜
謂其客曰葉寺丞介而嚴通而恕真重器也 揚誠齋集

新編古今事文類聚新集卷之二十九

南江	富大用	時可	編
金陵	唐富春	子和	刊

諸監部

秘書監

歷代沿革 漢外史掌四方之志三皇五帝之書 漢圖籍所在有
 石渠石室延閣廣內貯之於外府又有御史中丞居殿中掌
 蘭臺秘書及麒麟天祿二閣藏之於內禁 後漢圖書在東觀
 相帝始置秘書監一人掌典圖書古今文字考合同異屬太
 常 以其掌圖書祕記故曰秘書 魏武帝初置秘書儀依御史
 臺又置秘書令典尚書奏事 即中書令之任 文帝置中書令

而秘書改今為監以王象領秘書監撰皇覽掌藝文圖籍之事初屬少府自王肅為監乃不屬其蘭臺亦藏書書籍而史掌之宣武帝以秘書併入中書省其秘書著作之局不廢惠帝復別置秘書寺併統著作局掌三閣圖書自是秘書之府始居於外宋因之梁改為秘書省陳及後魏亦以秘書與尚書中書門下集書為五省北齊依魏制後周春官府置外史下大夫掌書籍此秘書監之任也而秘監亦領著作監掌國史隋秘書省領著作太史二曹後又改監為令唐武德初改為監龍朔二年改秘書省為蘭臺改監為太史天授初改秘書省為麟閣神龍初復舊掌經籍圖書領著作太史二局通判省事少監為之貳其復國史太史分為別曹而秘書省

主書為校勘而已宋太平興國二年始建崇文院昭文館史館集賢院皆總為崇文院及崇拱初建秘閣擇三館書集真

本并內出石書墨迹等藏之亦在崇文院中淳化元年詔秘

閣次三館秘書省仍隸京百司時秘書雖有監少監丞郎校書郎正字著作郎佐皆以為寄祿官常帶出入秘監即今中

大夫也即官至秘書監有特令供職者有以他官兼領者有以判秘閣官兼判官至道中宋以翰林學士承旨兼秘書監

淳化中李至自前執政以禮部侍郎兼秘書監祥符九年楊億以秘書監判秘閣兼秘書省事凡邦國經籍圖書悉歸秘

閣而秘書所掌常祭祀祝版而已兩朝國史志元豐正名以崇文院為秘書省既罷館職國初二館直館直校勘通謂之

館職必試而命不試而命者皆異恩 畫以三館職事歸秘書

省置秘書省職事官自監少至正字不領他局初除龍圖閣

學士王勝之為秘書監時寄祿官已正議大夫蓋裕陵欲重

此選又勝之雅有文學故也監掌書籍圖史天文曆數之事

屬有五著作佐郎秘書校書正字各以職隸於長貳惟日曆

非編修官不預宣和初改元豐之制增定為十八員以倣唐

登瀛之數建炎三年罷紹興元年復置舊秘書省建於禁中

至是權寓臨安府法惠寺十四年創新省於大井巷之左

年立定十八人為額大史局文德殿鍾漏所隸焉隆興元年

詔監少丞外以七員為額二年詔依祖宗舊法更不立額

置秘書監堂經籍圖書員著作等局司天臺隸焉其屬有秘

書少監秘書丞校書郎等員

群書要語孫伯壓司晉之典籍左傳又有承明金馬著作之庭

班固西都賦有辟雍東觀蘭臺石室宣明鴻都之藏後漢儒林

序蘭臺秘書省署耳魚豢魏略御府秘書外府也韓送鄭校理

序秘監曰大蓬鄭氏談綺秘書不是監以其職品清重非他監

比也因話錄矧上清之冊府伴方丈之仙瀛歲表類秘府藏書

雲委簡編之富瀛洲通籍朋來俊乂之游拜祝清都叅華藏

室道家蓬萊重踐育材之地朱鸞素鵠羣翔於崑閬之庭

神薏丹芸列植於雲霄之囿神經秘牒猥窺東觀之書乘

槎問漢敢忘意於英躔入館登瀛遽叨名於仙籍書局備員

入預書林蘭臺金馬天祿石渠既伴東壁二星之躔又曰

上帝羣王之府 籤帶紛紜聚四部之學以充其內紳綏輝煥

擇一時之俊以游其間 並同上 謂當扣翠微而排閭闔何為羞

崑崙而薄蓬萊 張于胡啓 蓬島獲窺於國史 楊億代表 芸香之

職 自草紫泥之詔遂違羣王之峯 並同上

詩句 綠編方委閣素簡日盈輕 沉約 並入紅蘭署偏親白玉規

白樂天 秘書何寂寂無乃羈英豪 李白贈韋秘書 暫阻蓬萊客

終為大海人 杜甫寄題鄭秘監湖上 蓬萊漢閣連 杜詩 鴛鴦叨

雲閣麒麟帶王除 杜贈才子入秘書

仙室蓬觀

華嶠後漢書曰學者稱東觀為老氏藏室道家蓬萊山 **注** 東觀

經籍多蓬萊海中神山為仙府幽經秘錄皆在焉 **又** 王融曲水

詩記言事於蓬觀謂藏室也

外臺內閣

太和中秘書丞薛夏嘗以公事移蘭臺蘭臺自一臺也而秘書

署耳謂夏為不得儀也推使當有坐者夏報之曰蘭臺為外臺

秘書為內閣臺閣一也何不可相移之有蘭臺屈無以折自是

之後遂以為常 魏志王肅傳

秘府之室

漢以天下文籍悉在廣內秘府之室謂之秘書 漢書

策府之山

穆天子西登崑崙見王母曰登已至于郡王之山先王所謂策

府也穆天子傳

稱曰麟宇

唐藏書之地有昭文崇文之館有集賢書院有修文弘文司文
以至蓬萊書殿曰乾元修書院曰秘書內外省曰內庫曰三館
曰秘書祕府曰蘭臺麟室六帖

改爲麟臺

漢御史中丞在殿中掌蘭臺秘書圖籍唐以秘書省爲蘭臺漢
西京未央宮中有麒麟閣亦藏秘書卽楊雄校書之處也唐改
秘書爲麟臺六帖

故稱芸臺

芸香辟紙魚蠹故藏書臺稱芸臺又陳子昂集芸局

都與見天下之圖

謂之木天

內諸司舍唯秘閣最宏壯穹窿高敞相傳謂之木天同上

省多文士

後魏世祖欲用伊馥爲尚書馥辭曰中秘二省多諸文士請參
其次遂拜中護軍秘書監

書爲中經

荀勉與張華依劉向別錄整治書籍亂者以爲中經

十八學士

太宗爲秦王銳意經籍於宮城之西門建文學館以待四方之
士於是杜如晦房元齡等並以本官兼弘文館學士圖其形狀

上命褚亮為贊藏之書府故號十八學士時人謂之登瀛洲

四明狂客

賀知章授秘書監自號四明狂客及秘書丞監

稱其五絕

虞世南為秘書監太宗稱其五絕一德行二忠直三博學四文

辭五書翰並唐書

謂之五絕

秘書省內有落星石薛少保畫鶴賀章監草書郎餘令畫鳳相

傳號為四絕元和中韓公武為秘書郎挾彈中鶴一眼時謂之

五絕職林

白撰竹書

荀勗領秘書監汲郡冢中得竹書勗自撰次經傳闕文多所明

自作石頌

西京秘書省廳事前有隕星石隋自咸陽移署於此王邵作瑞

石頌以贊美之西京雜記

以為病坊

唐以望雖清雅而實非要劇權貴子弟及好利誇侈者率不如

此職以監為宰相病坊丞及著作郎為尚書郎病坊秘書郎及

著作佐郎為監察御史病坊類要

以為登瀛

建炎南渡稍置館職紹興定制除監少丞外以著作郎佐郎秘

書郎校書正字通十二員為額倣唐瀛洲十八學士之數宋齊

徑躋清要

秘書監其迂出他司非郎官卽御史自乾道以後有旨須曾任知縣始得除臺察曾任郡守始得爲郎三館之士固無有歷此者於是朝廷欲越次擢用乃以爲將作軍器少監旣班在郎上則無所不可爲欲徑躋清要者則由著作祕郎而拜左右二吏不然不過兼權省郎年歲間求一郡而去而御史之除皆歸六院矣同上

一見祕書

李邕見特進李嶠自言讀書未徧願一見祕書假直祕書未終辭去嶠試問與篇爲隱快了辨如響唐書

三入東觀

詔曰尚書華嶠體素弘簡文雅皆通歷覽古今博聞多識著書實錄有良史之志轉爲祕書監其加散騎常侍班同中書寺爲內臺使中書散騎著作及治亂音律天文數術南省文章門下撰集皆典頌之嶠表謝云伏見詔書以臣爲祕書加位常伯昔劉向父子世典史籍馬融通博三入東觀非臣庸淺所敢比迹華嶠集

圖籍博學

唐國朝已來有魏徵虞世南顏籀爲祕書監設官之重德賢之盛人到于今稱之以文學博雅長圖籍長祕府白居易許貴同制自重其官自遠其道思與虞顏爲比同上

圖書養性

宋真宗以楊徽之兼秘書監占謝便殿命坐屏左右上勞問久之且曰圖書之府清靜無事可以養性也

校定秘籍

魏徵遷秘書監奏引學者校定四部書自是秘府圖籍燦然畢備

參預朝政

魏徵為秘書監參預朝政

談論規諷

虞世南為秘書監太宗引之談論及古今帝王行政得失必存規諷太宗謂侍臣曰朕因暇日每與世南商略古今朕有一言之善世南未嘗不悅有一言之失未嘗不恨朕嘗戲作豔詩

世南進曰聖作雖工體制非雅上之所好下必隨之此文一行

恐致風靡不敢奉詔其懇誠若此

唐書

論議持正

世南已衰老屢乞骸骨不聽遷太子右庶子固辭改秘書監外若不勝衣而中抗烈論議持正太宗常出行有司請載副書以從帝曰虞世南在不使朕此行也世南薨帝曰石渠東觀之中無復人矣世南著北堂書抄盛行於代

廣記

兼該詞學

太宗以顏師古體業淹和器用詳敏學該淹洽詞兼典麗命為秘書監

讚述符命

符命

庾峻自司空長史轉秘書監幽讚述符命天文地理因有述焉

以文章召

歐陽修以文章名冠天下景祐初召試為館閣校勘

東都事畧

以文士直

李進中傳蘇易簡與太宗論文士因及建中太宗亦素知之命

直昭文館

更迭補外

乾道元年二月詔館職所以招延天下之英俊苟不親更事知

民情則將來何以備公卿之任今後更迭補外

孝宗會要

同在館閣

宋綬字公垂年十五召試中書真宗奇其文聽於秘閣讀書以

之召試學士院為集賢校理與父郊同在世以為榮

同上

賜飛帛書

宋太宗飛帛秘閣二字賜李至高宗賜御書石文殿牌仍詔將

作監米有仁書道山堂牌

賜紫童服

淳熙五年孝宗幸秘書省御製詩一首賜幸臣史浩以下秘書

監陳騏少監鄭丙賜紫童服

作白頭老

張齊賢改秘書監致仕嘗出謁其子曰昔賀秘監以道士服東

歸會稽大人盍衣羽服以優游何必更事請謁齊賢曰吾且作

白頭老監枕書而眠何必學賀老作流沙之服時以為名言

勝枝頭乾

元祐初用治平故事命大臣薦士試館職一時名士在館率論
資考次遷未有越次進用者皆有滯留之難張文潛晁無咎俱
在其間一日二人閱朝報見蘇子由自中書舍人除戶部侍郎
無咎以為平緩曰子由此除不離核謂如果之粘核者文潛曰
豈不勝汝枝頭乾平聞者皆大笑東北有李每熟不得摘輒便
搗土人因恥藏之故謂之枝頭乾並同上

舉其秀異

張舜明字芸叟元初初司馬光舉舜明才氣秀爽剛直敢言召
試秘書校理東都事略

稱曰遺逸

謝靈運為秘監秘閣之遺逸本朝實錄

宣明史籍

晉相帝延熹二年初置秘書監溫嶠舉荀崧為秘書監曰國史
之興將明得失之迹謂之實錄使一代之典煥然可觀散騎常
侍崧文質彬彬思義通博歷位先朝蒞事以穆宜掌祕與宣明
史籍東觀漢記

刊正奇字

唐顏師古為秘書監專典刊正所有奇書難字眾所共惑隨疑
剖析曲盡其源

刻置木偶

柳誓煬帝嗣位拜秘書監退朝之後便命入閣言宴諷讀終日

而罷帝每與嬪后對酒時逢與會輒遣命之至與同榻共席息
若友朋帝猶恨不能夜召於是命刻木偶人施關機能坐起拜
伏以象於誓帝每月下對酒輒令官人置之於座與相酬酢而
為歡笑 按隋書作柳詵未詳詵音辯

羸若枯藤

至道中賈黃中自澶州受代赴闕先豐碩雄壯自是頓羸瘵鬱
若枯藤上衿之拜禮部侍郎兼秘書監以黃中素嗜文集而秘
府無事優之也

雜著

代宰臣以下賀車駕幸秘書省表 呂伯泰

東觀書林久俟漢儀之觀西昆策府載贍用馭之臨嗣三紀之
閱摹軼百王之盛節 中賀切以斯文崇替與世降升自我祖宗
嚴載籍萃藏之地于時典冊踵乘輿游幸之書從容箴誨之求
廣大峻良之聚炎圖再造率省一新爰親御於右文用仰繩於
前武重明善繼太極丕承乙夜牘陳念初載網羅之不易昕朝
班人思中興儲養之有原乃臨三館髦彥之躔乃展列聖圖書
之與帝暉下矚光榮河溫洛之藏天藻昭垂跨過沛橫汾之詠
湛露示醇醲之惠承雲宣純繹之音一日萬機曾靡齋居之暇
九流七略獨煩清蹕之留蓋以恢稽古尚德之風夫豈為飾治
樂成之舉聲明布濩慶澤汪洋恭惟皇帝陛下秩敘邦經裁成
王度多聞將求建事既惠顧於簡編大享所以眷賢復均盼於

有醇士心興起雅道流行臣等服在具僚身逢昌會第從臣之
頌敢揚厲於鴻休近天子之光請具宣於德意

登秘書省閣詩序

楊盈川

若夫麒麟鳳凰之署三臺四部之經周王羣玉之山漢帝蓬萊
之室觀星文而攷南北大象入於機衡披帝冊而質龍神負圖
出於河洛司先王之載籍掌制書之典謨劉向沉研楊雄寂寞
之士於茲翰墨馬融設博傳毅文章之才此焉游處莫不出言
斯善有道則尊黼黻其德行珪璋其事業心同匪石達人千載
之交手握靈珠文事一都之會淘泓寡務油素多閑命蘭芷之
君子坐芸香之秘閣徒觀其重欄四絕閣道三休紅梁紫柱金
鋪玉礪平看日月唐都之物候可知坐望山川裴秀之輿圖在

卽虹蜺爲之回帶寒暑由其隔闕豈直崑崙十二瀛海千尋西
州有百尺之樓東郭有千秋之觀于時五行金王八月秋分風
生閭闔之門日在中衡之道煙雲悽慘白露下而四郊空林野
滄茫青天高而九州迥登山臨水無非宋玉之詞高閣連雲有
似安仁之興列方饌命雕觴扼腕抵掌劇談戲笑假使神仙可
得自茂松喬富貴在天終經許史間之以搏奕申之以詠譎陶
陶然樂在其中矣登高而賦羣公陳力於大夫聞善若驚下走
自強於玄晏輕爲序引綴在辭章

館閣續題名記

張宦

上卽位之五年實紹興改元歲在辛亥二月丙戌詔以多難未
弭人才爲急其復秘書省直監若少監一人承著作郎佐郎各

一人校書正字各二人以待四方雋傑之士又叅酌舊制校書郎正字召試學士院而後命之自是稔求闕文補綴漏逸而四庫書籍亦云略備矣越三載卽秘書省復建史館以修神宗哲宗兩朝實錄選本省官兼檢討校勘官侍從官充修撰明年詔倣唐十八學士之制監少丞外置著作佐郎秘書郎各二員校書郎正字通十二員立爲定額又明年移史館於省之側別爲一所以增重其事而校勘官或以他官兼之至紹興九年修徽宗皇帝實錄乃卽史館開實錄院以本省官或他官兼檢討以修撰官如史館例明年未修正史詔罷史館併爲實錄院以正名實而著作局唯修纂日曆馬凡在茲選均謂之館職所以儲蓄英髦以備任使臺諫禁從於此乎取之故所除授纔十五六而員額之闕幾半蓋遴選也異日謀謨廟堂安社稷於談笑垂功名於竹帛者不無其人豈但摩研編削將以頌中興泳聖德爲太平之文飾而已哉宦材朽學落五年間再獲遺跡英游實與榮幸竊惟祖宗三館秘閣之制因革損益麟臺故事載之詳矣獨紹興以來題名未有石刻則擢序之先後居職之久近歲月遷改將無所攷於是作館閣續題名記且使來者可述焉紹興一年七月記

古詩

和閣老舍人曝書會詩

錢穆父

天祿圖書府芸籤歲曝頻
懽懽經窮藏室賜會集
儒紳顧陸高標好鍾王
妙入神司無槩俗吏來
預石渠賓

和秘閣曝書會詩

薛之奇

宴豆追儒雅簪纓成禮容中天開壁府左海見鼇峯汗簡陳三館湘圖喚九重紫薇方思敏十吏筆能供

律詩

和車駕幸秘書省二首

呂伯恭

麟臺高柳識雕輿共記中興幸省初黃道再傳天子蹕青編重入史臣書需雲下際君恩盛晨露高張樂節舒若寫鴻猷參天雅定非周鼓頌田漁

又

紫清丹極與天鄰闔闢乾坤繫笑頰獨為斯文回一顧坐令吾道重千鈞先王舊物參差見列聖明謨次第陳墨客區區感榮

遇豈知深處在尋倫

恭和御製秋日幸秘書省近體詩

呂伯恭

麟閣龍旂日月章中興再見赭袍光仰觀焜燿人文盛始識扶持德意長功利從今早管宴浮華自昔陋盧王顧將實學酬天造敢效明河織女襄

恭和御筆幸秘書省詩二首

周必大

羣玉西崑富典章二星東壁燦輝光秋花迎仗千叢麗法曲傳觴九奏長虎將縱觀修舊事牙冠倍侍仰明王政修即是攘戎策獵狁殘祆豈足襄

又

蟠木離奇愧豫章幾年封植荷恩光石渠久綴英髦後金鎖深

事類彙編卷之二十一
漸學識長御墨奎文瞻列聖雷尊篆鼎備三王願言作德酬榮
遇寧復矜才似智襄

送孫從之祕監歸朝供職

周必大

蚤看鷗鵬萬里風晚陪劍履大明宮誰知九郡提封廣還許三
年使事同我合掛冠尋舊隱君當補袞用新功中興盛事人應
說五紀吾邦四少蓬

秘閣伴直

鄭谷

秘閣鎖書深牆南別晚岑吏人同野鹿庭木似山林淺井寒無
入迴廊疊薛侵閑看薛稷鶴共起五湖心

寄胡文定及劉恭父

朱元晦

先生去上芸香閣閣老新裁象角冠留取幽人臥空谷一川風

月要人看

送胡文定秘閣供職

朱元晦

祖餞衣冠滿道周此行誰與話端由心知不作功名計只爲蒼
生未敢休

東觀曝書會詩

孔常甫

書會青雲事來遊羣玉峯琅函窺一一金鑰發重重

送鄒懷英

張孝祥

往昔千官班渠曾綴簪裾今者尺一追問津承明盧蓬萊道家
山紫極帝所居功名儻來爾步武當徐徐

秘省後廳

白居易

槐花雨潤新秋地桐葉風飄欲夜天盡日後廳無一事白頭老

監枕書眠

戲酬盧秘書

王建

芸香閣裏人採摘御園春取此和仙藥猶治老病身

呈袁秘監

劉克莊

近日頻聞有峻除人傳君相重師儒細旃坐穩方輪講羣玉峯

高未要扶別後曾過東閣否新來已乞鑑湖無幾時供帳都門

外真寫先生作畫圖

偶作寄王秘書

齊已

七絲湘水秋深夜五字河邊日暮時借問秘書郎此意靜彈高

詠有誰知

詩話

詠石榴詩

孔紹安大業末為監察御史時高祖為隋討賊於河東詔紹安

監高祖之軍深見接遇及高祖受禪紹安自洛陽間行來奔高

祖見之甚悅拜內史舍人時夏侯端亦嘗為御史監高祖軍先

歸朝秘書監紹安因侍宴應詔詠石榴曰祗為時來晚開花不

及春時人稱之

秘書少監

歷代公董隋煬帝置一人後又改為令唐龍朔中改為侍郎神

龍初復太極元年增少監為二員通判省事宋初為寄祿

官元豐正名始實有職事初除葉均繼除孫覺皆一時選也

掌貳書籍國史天文曆數之事元秘書監之下有秘書少監

事文類聚卷之二十一
詳見秘書監沿革

羣書要語還貳書省曲阜制豈惟典頷圖籍為縉紳之榮庶以

收集增朝廷之重同上

詩句學蔚醇儒姿杜贈少監蘇源明文包舊史善同上秘書茂

松意同上班秩兼通貴公侯出異人杜寄李十五秘書

古今事實

儒素見稱

王紹宗秘書少監侍皇太子讀書紹宗性澹雅以儒素見稱朝廷之士咸仰慕之

才德兼茂

蕭德言年老請致仕太宗不許詔曰頃年已來天下無事方欲

建禮作樂偃武修文卿年齒已衰教將何恃所冀才德兼茂臥振高風使濟南伏生復在於茲日關西孔子故顯於當今拜秘書少監

刊正書字

見前秘書監

刊定圖籍

韋繩天寶初入為秘書少監玄宗尚文視其職如尚書丞郎繩刊定圖籍以善稱職

父子並命

趙崇儒拜翰林學士時父驊遷秘書少監德宗欲寵其門一日並命

兄弟繼職

王珣為少監數年而弟璠繼職

說臺閣典章

宋朝直秘閣曾幾謚文清入對上大悅以為秘書少監幾承平時已為是職每與同舍會說前輩言行臺閣典章從容竟日

修五朝大典

汪大猷字仲嘉除秘書少監當修神宗以來會要大猷率僚屬分纂上聞之為置局命宰臣提舉書奏五朝之大典始備

魏集

具疏引古誼

上念孫逢吉又外嘗聞孫某好士人召為秘書少監上朝語重

華宮不以時公數具疏引古誼深言又率同館論奏

同上

落筆如泉湧

王安中字履道自號初寮先生以文學知名有密薦於上者除著佐踰月葵京召相見賓吏引入俄抵一室置几案筆硯有小黃門至云大師致意文字封呈啓之則某誥某詔若試西掖三題者履道落筆如泉湧閱三日內批除中書舍人遂改秘書

少監

古今文集

雜著

辭免秘書少監兼權直學士院奏狀

周必大

曾膺兼組增震孤衷切以貳職仙蓬攝官禁苑俱為清選專用

名儒伏念臣蚤誤聖知中歸農畝八歲傾心於天日一朝稽首
於軒墀辱臨遣之溫言將造驅於暑路忽叨改命太過初心惟
舊學之素迂加比年之病志雖厚恩未報詎敢忘魏闕之存然
薄技無堪恐難寓禁林之直固有令行而或反仰祈人欲之

劉放秘書少監制

錢 總

學者以東觀爲老氏藏室道家蓬萊山而國家所以涵養令器
待才用者之宅也以爾放詞藝之富回翔之久擢貳厥官益將
試用

古詩

和孫莘老少監

黃山谷

上帝羣玉府道家蓬萊山延閣排霄起圖書擅榮觀宮槐綠窸

外岑絕非世間王度日修飭文章麗朝班國器攻杞梓珍羣揜
孔鸞中臺省符移僚屬禮數寬口藻聞英鑒賞音發清彈儒林
數耆舊少監髮新班

和孫少監

黃山谷

道山鄰日月清樾深牖戶同舍多望郎閑官無窘步少監巖壑
姿宿昔廊廟具行趨補衮職黼黻我王度

律詩

再任秘書少監

洪玉甫

再入蘭臺逢舊史重遊東觀閱新書家徒四壁今無屋誰爲君
王奏子虛

寄孫少監

秦少游

...

事文類聚卷之二十一
天上圖書幾似舊人間歲月浪如馳鰲頭只見蓬山伴行赴蟠
桃熟後期

秘書丞

歷代沿革 **魏**武帝置秘書左右丞以劉放孫資充之典尚書奏
事後省 **晉**以秘書入中書謂之中書秘書丞惠帝又置秘書
丞 **宋**齊並一人 **梁**陳後魏北齊皆因之 **後周**柳蚪為秘書丞
時秘書雖領著作不叅史事因蚪為丞始令監掌 **唐**龍朔二
年改為蘭臺大夫咸亨復舊掌府事勾稽省署抄目 **宋**淳化
六年詔秘書監丞仍舊惟無定員及不專職分蒞中外之任
元豐正名始定為職事官掌叅領書籍國史天文歷數之事
有秘書丞在秘書少監之下 詳見秘書監沿革

羣書要語 俄遷秘書丞司文天閣

文選褚淵碑

秘府丞屬職任

清華

初察除姚宰制

丞于秘丘

朝文恭制

承清聯於本省

陳藻

制進丞秘局

范徽之制

詩句 盛業光書府微人盡國英

源乾曜和赴集賢院宴詩

直事

披一省重關秘七門

宋之問冬夜寓直麟閣

縱欲抄前史貧難

遂此心

張棻秘書伴直

莫將芸閣輕科第須作人間第一人

趙

搬贈李秘書

古今事實

絳服墨綬

晉令秘書丞品第六銅印墨綬進賢一梁冠絳朝服

銅印黃綬

梁增品第五秩六百石銅印黃綬

宜乘鹿車

秘書丞郎乘鹿車不得朝服失崇儒本意

玉肅表論

若在雞羣

晉稽紹雅有文才山濤啓武帝可秘書郎帝曰如卿所言乃堪
為丞何但郎也乃起家為丞紹始入洛或謂王戎曰昨於稠人
中見紹昂昂然若野鶴之在雞羣

晉書

職近日月

魏王肅言秘書丞郎與博士議郎同職近日月宜在三臺上秘

書丞郎宜比尚書丞郎

魏志

學徧古今

庾峻字山甫好學有才思轉遷秘書丞徧觀古今聞見益廣

隱晉書

呼為薛君

魏文帝與薛夏推論書傳未嘗不終日每呼之不名謂之薛君

並同

繆以為郎

何禎為許都賦封上帝異之下公車特徵到用為尚書郎詔用
為秘書丞主者繆以為郎後月餘禎關事上問曰吾本用禎為
丞何故為郎案主者罪遂為丞

本傳

天水此丞

薛夏字宣聲天水人也博學有才文帝嘉其才黃初中為秘書

丞征東將軍曹休來朝時帝方有與夏有所咨論而休到帝引入坐定帝引夏出謂休曰此君秘書丞天水薛宣聲也其見遇如此

起家為丞

見前若在雞羣注

著書敘錄

後漢李彪遷秘書丞分領著撰事自元成帝已來至於大和崔浩高允著述因書編年敘錄為春秋之體創為紀傳表志之

數奏文賦

嚴荀黃初中以高才入為秘書丞數奏文賦帝異之

魏畧

王檢求校

王檢字仲實為秘書丞上表求校墳典依七略撰七志四十卷齊書獻之

栢嗣知名

晉中興書栢嗣少知名初拜秘書丞遷秘書郎

宜得才人

魏文帝用何禎為秘書丞敕云此職宜得才人

魏志

處以清官

齊張率遷秘書丞高祖曰秘書丞天下清官東南胄緒未有為之者今以相處為卿定名譽

南史

曰第一官

梁劉孝綽除秘書丞武帝曰第一官當與第一人

惟得一人

隋姚察入為秘書丞文帝指謂朝臣曰聞姚察學行當今無比我平陳惟得此一人隋書

秘書郎

歷代沿革後漢馬融為秘書郎詣東觀典校書及魏武建國又置管以劉劭為之出乘鹿車晉掌中外三閣經書校閱脫誤亦謂之郎中武帝分秘書圖籍為甲乙丙丁四部定中外四部經書覆校闕遺正定脫誤使秘書郎中四人各掌其一宋除中字齊因之尤為美職皆為甲族起家之選待次入補梁多以貴遊子弟為之陳著令令僕子起家為之後魏置四人至北齊又增中字謂之郎中隋祖諱中除中字唐分判校

寫工程龍朔中改為蘭臺郎咸亨復舊天授初曰麟臺郎神龍初復舊唐秘書郎三人掌四部圖籍皆有三本一曰正二曰副三曰貯宋初為寄祿官元豐正名始有職掌刊寫分貯集賢院史館昭文館秘閣經籍則秘書郎主之元祐四年秘書郎並除陸朝知縣已上資序人任滿除集賢校理紹聖初罷校理元亦置秘書郎之職

羣書要語發秘府覽書林楊雄劇秦美新論校理則用天下之

名士能文學者韓文或解巾以司讎校或決科而登館殿權德輿

輿廳壁記白樂天制持三寸筆終入芸香

之閣陳子昂集石渠司籍陳希烈制身登三閣陸機制表秘書

郎掌中外三閣秘書也延寘冊府初寮除孫近制職清秩美

事文類聚新集卷之二十九 二十三 德壽堂梓

南豐擬制

蓬山振雄筆

李白

上君白玉堂

杜甫

飛騰知有策意度不

無伸

杜寄十五秘書

漸階羣振鷺入學詣蟬蛉

韓愈答張秘書

清省宜寒夜仙才稱獨吟

喻坦之和范秘書省中詩

君詩多態

度謁謁春空雲東野動驚俗天葩吐奇芬張籍學古淡軒鶴避

雞羣

韓醉謂張秘書

靡蕪與丹桂奇心復奇骨已蔽蒼龍門又

影鳳凰闕

吳均贈柳秘書

典校秘書

後漢馬融有俊才為秘書郎詣東觀典校秘書時儒士以為文

德可興武功宜廢遂寢蒐狩之禮戰陳之法融上廣成頌以諷

諫忤旨滯於東觀十年不得調後在東觀著述馬融才高博洽

為世通儒

審正圖籍

後魏高謐字安平有文武才度天安中以功臣子召入禁中除

秘書郎專典秘閣謐以墳典殘闕奏廣訪郡邑大加繕寫由是

圖籍稍以審正

專精學問

司馬彪少篤學不倦不交人事專精學問泰始中為秘書郎又

轉為丞

編觀圖籍

張纘字伯緒為秘書郎因求不遷欲徧觀閣內圖籍

晉書

德壽堂

思三都賦

左思專思三都賦自以所見不博求為秘書郎同上

博十年學

賈威授秘書郎不肯調者十年其學益博

弱冠齊名

王謚弱冠有美譽與王綏齊名除秘書郎晉中興書

別駕後名

魏王基字伯與黃初中察孝廉除郎中時青土初定刺史王凌特表請基為別駕後召為秘書郎凌復請還頃之司徒王朗辟基凌不遣朗書劾州曰凡家臣之良則升于公輔公臣之良則入於王職是故古者侯伯有貢士之禮今州取宿衛之臣留秘

閣之吏所希聞也

五歲見奇

魏鍾會字士季少敏惠夙成中護軍蔣濟著論謂觀其眸子足以知人會生五歲濟濟見者奇之正始中為秘書郎

十五對策

王承字安期七歲通易選補國子生十五對策高帝除秘書郎中

有限有競

王敬弘子恢之為秘書郎敬弘求為奉朝請與恢之書曰秘書有限故有競朝請無限故無競吾欲處汝無競之地於是文帝許之宋書

不清不要

海內文類聚新集 卷之二十九 三十四 德壽堂

李素立武德初以親喪解官起授七品清要有司擬雍州司戶
參軍帝曰要而不清復擬秘書郎清而不要

朱紫今別

鄭默為秘書郎刪省舊文除其浮穢著魏中經時中書令虞崧
曰而今後朱紫別矣 王隱晉書

簡素不同

蕭惠開家雖貴戚而車服簡素初為秘書郎秘書著作並名家
年少惠開意趣與之多不同比肩三年不共語 沈約宋書

宋袁製詩

宋袁勤學好屬文在陳時釋褐為秘書郎嘗製千字詩當時以
為盛作陳後主問名入禁中使為月賦袁染翰立成後主曰觀
謝希逸不能獨美於前矣又使為芝草嘉蓮二頌深見賞重

上官視草

唐上官儀遷秘書郎太宗每屬文遣儀視草工詩人謂之上 官體

休沐誦書

任敬為秘書休沐合門誦書

元日奏頌

唐岑文本除秘書郎元日奏籍田三元頌文致華贍

率同館奏

國朝彭忠肅公龜年除秘書郎時傳召姜特立公白丞相留公
恐非虛傳既而果然公引李絳事求退公率同館論奏且勉樞
廷爭之遂寢 樓攻魏集

久次秘書

秘書張闡忠肅公時秦檜用事每除臺諫必以其耳目知闡久次喜論事一日微諷闡謂當入臺闡曰丞相苟見知老死秘書足矣秦檜默然由是罷去

古今文集

雜著

秘書郎壁記

權德輿

按六典秘書郎四人從六品上分掌四部書以甲乙丙丁為之自昔漢武帝聚天下文籍於廣內謂之中秘書魏晉之際秘書與中書或分或合故云職近日月且居三臺之上丞郎之位與南宮相亞歷代辨論與時輕重國初思漢庭延閣之制薄江左

貴遊之選始以岑江陵虞永興褚河南迭為之厥後彬彬多文學之士然則先王之法志官師之訓典九流百代如貫珠然學與仕皆優而旋相為用者其在茲乎今年春榮陽鄭君具瞻自涇陽尉承詔授任鄭君質重而有敏行坦夷而含明識且今中書相君之令弟也方以結綬滿歲調於選部言吏資者積三遷而後至今超居之有以見申恩審官與怡怡綽綽之道為盡美矣在晉鄭默領中外三閣始刪煩文而朱紫不雜開元初君之王考穎川府君叔祖刑部府君皆錄禮官博士繼登其任諸父諸兄或解巾以司讎校或功次而奉朝請含章筮仕多在於斯猶相公武公之代為卿士蓋善於其職而宜之之義也謂鄙人嘗學舊史能知書府官業之所繇是俾編次即位彰施屋壁

時貞

元庚辰秋七月記

辭免秘書郎狀

朱元晦

聞命震驚罔知所措切以聖主寤寐俊傑圖起事功片善寸長靡不收用巖穴幽隱亦弗棄遺遂使妄庸有此遭遇恩德隆重捧戴難勝豈敢飾詞遜避以孤獎拔之意然熹竊惟國家開建圖書之府所以儲蓄秀異之才選試有程未始輕授郎以奉守為職雖異典校之官然自昔相承或用以處老成耆德之士如熹凡陋豈所克堪今若貪冒寵榮不自量度此必坐取嘲笑以累聖主知人之明又况頃年屢以多病不才懇辭召命已蒙聖慈洞照肺腑蓋既憐其愛君憂國粗有畎畝夙夜之誠而又知其衰朽無庸重閔勞以官職之事故凡所以假借褒嘉惠養全活之意雖非愚賤之所當得然天地父母委曲生成之恩則有不可以終辭者此熹所以懇辭踰年而卒 拜明命且復具以此意附奏陳謝其所以感恩自誓之誠皦然而不可欺者今乃欲因聖主前日所以假借惠養之資而遂寅緣以冒進擢無涯之寵則是古人所謂登龍斷而左右望以罔市利者不惟士夫清議有所不貸而熹之不肖亦竊羞之是以恐懼回皇不可祇受

校書郎

歷代沿革 漢之蘭臺及後漢東觀皆藏書之室當時文學之士

使讎校於其中故有校書之職

初漢成帝已命光祿大夫劉

向於天祿閣校經傳諸子詩賦步兵校尉任宏校兵書太史

令尹咸校數術太醫監李柱國校方伎後以諸大夫楊雄等

亦典校於其中 又選他官入東觀皆令典校秘書或撰述傳

記蓋有校書之任而未為官也故以郎居其任則謂之校書

郎 明帝召班固調校書郎除蘭臺令史後遷為郎典校秘書

又劉珍與校書郎劉駒駮馬融校定東觀五經傳記百家藝

術整齊脫誤校正文字又楊終後詣蘭臺拜校書郎實章為

東觀校書郎 以郎中居其任則謂之校書郎中 後漢蔡邕拜

郎中校書東觀又馬融為校書郎中請東觀典校秘書 當時

重其職故學者稱東觀為老氏藏室道家蓬萊山至自漢魏

歷晉宋齊梁陳皆博學之士往往以他官典校秘書至後魏

秘書省始置秘書校書郎後周屬春官之外史唐掌讎校典

籍為文士起家之良選其弘文崇文館著作司經局並有校

書之官皆為美職而秘書省為最校書郎十人正九品上掌

讎校典籍刊正文字皆辨其訛繆以正四庫之國史焉宋初

為寄祿官元豐正名始實有職掌編輯校正定其脫誤則校

書郎主之建炎初罷紹興復置又叅酌舊制必召試學士院

而後命之元秘書省置校書郎

羣書要語校理校文 西都賦 典校蓬山 白集 臺有蘭芳閣有芸

白樂天賦 典校延閣服膺羣書 杜牧之行制 頻分溫媪之疑任

懼魯魚之繆又披湘帙粗定鉛黃 開運二年進唐書表 官聯秘

閣職在校文 六帖 官惟司典職在校文 同上 用府校讎之官以

待儒學之士 曲阜除孔武仲制 典校書林 王暫制 中校秘圖有

辨章訂正之益 胡文恭制

益脫校書郎 武后時人 風流半刺史清絕校書郎 東坡擁

書天祿閣奇字校偏傍 王荆公詩 並入紅蘭省偏親白玉規 蓋

為校書郎也元集辭白樂天之詩 才子富文華校讎天祿閣 韓

退之迭鄭校理 校書著作頻召除猶能正車問何如 黃山谷 卷

裏詩過一千首白頭來作校書郎 白居易與王建 終朝守玉署

方夜旁石扉 劉孝綽校書秘書省雪夜詠懷 校文在仙掖每有

滄洲心 儲光羲辭蔡校書 忽從被褐中召入承明宮 盧象贈程

校書

古今圖書

青藜照書

劉向校書天祿閣夜有老人植青藜杖杖端出火以照向日我
是太乙之精天帝聞卯金之姓有博學者下而觀焉 拾遺記

白虎考論

東漢楊終顯宗時拜校書郎上言宣帝論定五經於石渠閣令
宜如故事於是招諸儒於白虎觀考論異同

詔領秘書

前漢劉向字子政遷光祿大夫而上方精於詩書觀古文詔向
領校中秘書 本傳

賜副秘書

城游與劉向校秘書每奏事游以選受詔進讀羣書上器其能
賜以秘書之副

神童校書

楊炯幼聰敏博學善屬文神童舉拜校書郎

進士中補

白居易敏悟絕人擢進士拔萃皆中補校書郎唐書

講究傳記

劉歆與父向頴校秘書講六藝傳記諸子無所不究

窮覽典籍

東漢馬融拜校秘書郎中在東觀十年窮覽典籍上廣成頌漢書

整齊脫誤

劉珍永初中鄧太后詔與五經博士校定東觀五經諸子傳記

百家藝術整齊脫誤定正文字

校閱書籍

段成式以蔭官入為校書郎研精苦學秘書閣書籍校閱皆遍

可比衛公

孔季珣初擢制科授校書郎陳子昂稱其神清韻遠可比衛公

並唐書

可為國器

房元齡校讎秘書省高孝基謂裴矩曰僕觀人多矣未有如此

郎者當為國器但悵悵不見其聳壑昂霄唐書

畫像勸學

高彪校書東觀後遷內黃令帝勅同寮臨祖送於上東門詔東

觀畫彪以勸學者東漢書

騎驢詠詩

開元中校書正字俸祿微少孤寒英傑者居之或有不辨正字乘驢入省時有語曰正字校書詠詩騎驢祥見太社令

作神雀頌

賈逵自童兒常在太學諸儒為之語曰問事不休賈長頭顯宗時有神雀集宮殿府帝勅蘭臺給筆札使作神雀頌拜為郎與班固並校書應對左右

作顯宗頌

傳毅字武仲肅宗召文雅之士以毅為蘭臺令史拜郎中與班固賈逵共典校書毅追美孝明帝功德最盛而廟頌未立乃依清廟作顯宗頌十篇奏之由是文雅顯于朝廷並同上

以賞盡言

鄭鑑字自明試館職上問今合除何官龔茂良對曰前此學官召試往往止除正字上曰可除校書郎賞其盡言因曰策中所言或是或非大率剴切不易

以非急務

後漢盧植在東觀校中書帝以非急務轉為侍中

求正六經

後漢蔡邕拜郎中校書東觀以去聖久遠文字多繆乃求正定六經文字自書冊於碑始立摹寫者車乘百千餘兩

詭論大將

宋張公闡字大猷為校書郎時諸大將持功邀爵賞又時禁

衛單寡公上疏極論之厥後稍進退諸將召諸道兵補三衙闕
額徃徃符公言 周益公集

為復禮卿

唐徐岱於學無所不通辨論明銳座人常屈大曆中劉晏表為
校書郎觀察使李栖筠欽其賢署所居為復禮卿名達於朝

號益脫郎

唐武后時官濫人謠曰補闕連車載拾遺和斗量權樵侍御史
益脫校書郎

未嘗一至門

陳公輔自國佐除校書郎公初入館閣時蔡京王黼當國無所
附麗未嘗一至門 言行錄

未嘗詣執政

陳正獻公俊卿以秘書省校書郎召非公事未嘗詣執政 楊誠
齊文

屏事益讀書

王文定公准為校書郎既入館屏去人事益讀未見書休假亦
入抵暮始歸 樓攻魏集

安分不介意

汪莊敏公澈遷校書郎安分無求視同舍郎數遷殊不介意 周
益公集

古今文集

雜著

事文類聚新集

卷之二十九

三十三

續壽堂

送鄭涵校理序

韓愈

秘書御府也天子始更聚書集賢殿別置校讎官曰學士曰校理常以寵丞相為大學士其他學士皆達官也校理則用天下之名能文學者苟在選不計其秩次由是集賢之書盛積書盡秘書所有不能處其半書日益多官日益重四年鄭生涵始以長安尉選為校理人皆曰是宰相子能恭儉守教訓好古義施於文辭者如是而在選公卿士天家選之子弟其勤耳矣愈事相公三為屬吏今生始進仕獲重語於天下而慊慊若不足真能守其家法矣

古詩

題登瀛圖

韓子蒼

咸平中天開帝居郡公下直承明廬韓侯畫此時無虞瀛洲仙人樂有餘我生不及貞觀初却恨十年身校書吟詩天街騎蹇驢爾來戎馬爭馳駟把卷未展先歛歔

送李校書

杜甫

李舟名父子清峻流輩伯人間好妙年不必須白晢十五富文史十八足賓客十九授校書二十聲輝赫

題李白畫像

韓子蒼

玉堂學士今劉向禁直岩巖九天上不須對此融心神會植青藜夜相訪

聞富季申遷校書郎作

晁以道

小富從來慰所望青衫敘進校書郎相公勲業久彌著孫子門

事文類聚新集 卷之二十九 律詩
闡漸有光莫話詩過已埋沒且非益脫得分張

送吉校書東歸

司空曙

少年芸閣吏罷直暫歸休獨與親知別行逢江海秋聽猿看楚岫隨鴈到吳洲處處園林好何人待子猷

代秘書贈弘文館諸校書

李商隱

清切曹司近玉除比來秋興復何如崇文館裏丹霜後無限紅梨憶校書

和寄韋校書

陸龜蒙

萬古風烟滿故都清才搜括妙無餘可中寄與芸香客便是江南地理書

酬韋校書

薛濤

芸香誤比荆山玉那似登科甲乙年澹拖鮮風將綺思颯花散
藥媚青天

寄子先校書

黃山谷

我觀李校書超邁有古風談道屢入微閉門長蒿蓬

答張徹校書

韓退之

清墨竄舊史磨丹注前經義苑手秘寶丈堂耳驚霆

寄黃魯直校書

賀方回

材如杞梓各稱良海內知名獨豫章終歲且留天祿閣入看應號紫薇郎

類聚新集卷之二十九

類聚新集卷之二十九

新編古今事類聚新集卷之三十

南江 富大用 時可 編

金陵 唐富春 子和 刊

諸監部

著作郎 頴秘書監

歷代沿革著作郎周左史之任也漢東京圖書悉在東觀故使名儒碩學入直東觀撰述國史謂之著作東觀皆以它官領焉蓋有著作之任而未為官員也魏明帝太和中始置著作郎官隸中書省專掌國史衛覬以侍中尚書典著作後又置佐著作郎亦屬中書省秘書監自調補之太元四年詔秘書無監使吏部選佐著作郎有監復舊又閻纂集云鄒湛謂秘

專文類聚新集 卷之三十 一 德壽堂辛

書監和嶠曰閻纂可佐著作嶠曰此職閑重勢貴多爭不暇

求才按此則大著作亦監自調

元康詔曰著作舊屬中書令

秘書既與文籍宜改中書著作為秘書著作於是改隸秘書

後別自置省謂之著作省而猶隸秘書著作郎一人謂之大

著作專掌史任李

充為大著作又荀勗以中書監孫盛以秘

書監並領為著作孫綽以散騎常侍及陳壽並為大著作

佐

著作郎始到職必撰名臣傳一人

宋初廢其制

宋齊以來遷

佐於下謂之著作佐郎亦董國史集注起居

野皆以他官領其職與大著作同

陳為令僕子起家之選

又有秘書正字之官

唐為著作局亦屬秘書省掌撰碑誌祝

文祭文與佐郎分判局事龍朔改著作郎為司文郎中佐郎

為司文郎感事復舊初著作郎掌修國史佐郎貳之徒有撰

史之名而實無其任盡在史館其屬官有校書郎正字

寄祿官元豐正名始實有職掌修纂日曆祭祀祝辭則著作

郎佐之初除林希為大著豐稷為小著皆一時選也

元因唐制為著作局有著作郎著作佐郎亦隸于秘書監

群書要語承命金馬著作之庭大雅宏達於茲為群元元本本

殫見洽聞啓發篇章校理秘文

專家乏懷鈔之念慚夢腸之術謬勒斷蛇之符預刊冰河之業

珥筆史觀記言文府

地居華省職在修文

漢用史才任先班固

晉推經

漢書卷之二十一

術選在李充 漢推良史選在孟堅 晉重名儒任先弘度 並

六帖 執簡東觀 後漢補志序 東觀著述 杜牧之 著作乃論選之

地唯才史是居 唐著作表 書笏珥彤記言事於僊室 文選 左右

史記言動之詳宰臣記時政之要以授東觀會而成書 欒城黃

庭堅制 蘭臺東觀實專撰述 初察制 擢居著撰之局 胡文恭行

制 領著作於秘丘 王璟制 入著秘局 周約制

詩句 夫子靜且直雍容時卷舒 東坡送岑著作詩 華蓋燦煌天

帝座蓬萊縹渺道家山 彭汝礪次韻履中學士詩

直筆東觀

直筆東觀

北齊天保二年詔中書令兼著作郎魏收撰後魏史初帝令群

臣各言志收曰臣願得直筆東觀早出魏書故帝使專其任 北史

著作東觀

蘭臺令史班固傳毅洛陽令陳崇長陵令尹敏司隸校尉子世真

及楊彪等並著作東觀 漢書

採摭前記

班固典秘書採摭前記綴緝所聞以為漢書

博習舊聞

楊彪字文先少傳家學熹平中以博習舊聞召拜議郎為馬日

磾盧植蔡邕等著作東觀 同上

五葉著作

自司隸校尉奉至臣父五葉著作不絕鄉族以為美談 應亨謝表

德壽堂梓

三世繼為

崔駰三世相繼其後無聞若乃談遷接武彪固踵跡亦各一世之良同上

有史才遷

謝沉為祠部郎何充庾冰以沉有史才遷大著作

為文士冠

晉孫綽為廷尉卿領著作綽少以文才稱于時文士綽為之冠謂之館閣

北齊著作隸秘書謂之史閣亦謂之史館邢子才作詩酬魏牧冬夜直史館是也

甚有清才

王讚為著作郎甚有清才

請議限斷

陸士衡以文學為秘書監虞濬所請為著作郎議言書限斷晉史

哀次興衰

蕭德言歷著作郎太宗詔魏徵虞世南褚亮及德言哀次經史百氏帝王所以興衰者帝曰使我稽古臨事不惑者公等力也

面折僚友

隋劉禪之父子翼字小心為著作郎峭直有行嘗面折僚友短退無餘言李百藥曰子翼言人多不憾

謂成門戶

唐許敬宗除著作郎謂所親曰仕宦不為著作無以成門戶唐書

撰百家類

唐孔至歷著作郎明氏族學與韋述蕭穎士柳冲齊名撰百家類例以張說等為近世新族剗去之說子均方有寵怒曰天下族姓何預若事而妄紛紛者耶均弟素善至以實告初書成示韋述謂可傳及聞均語懼欲更增損曰大丈夫奮筆成一家書奈何因人動搖有死不可改遂罷

料四部書

晉孝武帝好覽文藝敕著作郎徐廣料秘閣四部見書凡三萬六千卷續晉陽秋

上明堂賦

唐劉允濟奏上明堂賦以諷則天甚嘉歎之拜著作郎

作應難篇

張瞻字仲應作應難篇司空張華晚見稱善命為著作郎王隱晉書

作者舊傳

陳封作益部耆舊傳武帝善之命為著作郎

造乘輿箴

潘厄轉著作郎造乘輿箴

作劍閣銘

晉張載字孟陽作濛汜賦太僕傳玄見其賦歎息以車迎載言談盡日載遂作賦起家徵為著作郎又作劍閣銘世以為能除著作郎

因定禮儀

海內類聚

卷之三十一

九

德壽堂

謁者僕射劉珍校書郎劉駒駮等因著作東觀撰集漢記因定漢家禮儀上言請張衡參定後漢書

刪除典籍

李充為大著作于時典籍混亂充刪除煩亂以類相從分為四部秘閣以為永制藏榮緒晉書

老有士望

宋朝楊龜山在著庭吳敏之等李綱併以公姓名納上前日時亦老儒有士望可令閣門侯對班尋召對論當世急務上喜遂擢用之吳敏手錄

顧義自守

張耒字文潛從蘇軾學轍見其文愛之蘇軾亦深知之稱其文汪洋澹泊有一唱三歎之聲元祐初為著作佐郎改著作郎在館八年顧義自守泊如也東都事畧

才謝呂望

程駿拜著作郎後魏獻文帝屢引駿與論易老之義顧謂群臣曰朕與此人言意甚開暢又問駿年幾何對曰六十有一獻文曰昔太公既老而遭文王今卿遇朕豈非早也駿曰臣雖才謝呂望而陛下尊過西伯覲天假餘年竭六韜之効

徒取班馬

韓顯宗除著作郎高祖曾謂顯宗之才朕自委悉中省之品卿等所聞若欲取古人班馬之徒固自遼闊若欲求之當代之能卿等應推崔孝伯北史

妳母著郎

宋何承天除著作郎時已老而諸佐郎並名家年少荀伯子嘲之常呼為妳母承天曰卿當云鳳凰將九子何言妳母談藪

上車著作

梁朝全盛時貴遊子弟多無學術諺云上車不落即著作起居何如即校書家訓

非軾不可

神宗為宰執議更官制至著作郎則曰非蘇軾不可王鞏聞見錄

引駿輿論

見前程駿故事

古今文集

雜著

著作郎廳壁記

李華

化成天下莫尚乎文文之大司是為國史職在褒貶懲勸區別昏明故駟牧頌於魯侯祈招諷於楚子史官之任有述作焉蓋王者之元符生人之極教也昔沮誦蒼頡為黃帝史臣文字以異其來尚矣其南正北正建于顓頊羲氏和氏命于唐堯更虞夏商代序天地周官宗伯之屬有太史正歲年以序事小史奠系代辯昭穆內史受納訪以詔王聽理外史達書名于四方前志所載有左史記事或箴王之闕或司過于朝所典不同其納君於善一也傳曰天子有日官則史逸史伯是也諸侯有日御則禋龜子韋是也倚相在楚南史在齊董狐在晉邦之司直也

其事舉則三靈不慝其政息則百度惟危故先王貴之至于漢
廷參用周禮太史公旣沒其子遷緘金匱石室之文焉降及東
京永平中特詔班固著作東觀繼其事者楊彪蔡邕由是太史
但掌天文律曆而已小雅寢周聖人生魯道尊而文武將墜德
至而天地不通感於獲麟歎於與蜡爰制國典丘明傳之因曆
象以正時元假鬼神而討有罪善人勸焉淫人懼焉百代之英
所由用也向若前代闕能文之史曠記事之官雖舜禹之列無
聞焉有國有家何以直道而行也魏太和年肇以著作名官爲
中書屬晉元康年改隸秘書朝服單衣介幘始親職必撰名臣
傳歷宋齊梁陳官品第六元魏高齊周隋秩從五品魏則王沉
以侍中兼之衛覲以尚書帶之至于有晉若史才之美陳壽自

佐卽遷元舅之尊庾亮以中書領宋則徐爰何承天齊則沈約
裴子野梁則陸雲公姚察陳則顧野王張正見後魏則崔光高
允北齊則邢子才魏收周則蘇亮柳蚪隋則虞綽王邵皆一朝
名選也貞觀初詔梁文昭公鄭文貞公統英儒盛才修五代史
天子親垂筆削與春秋合符魏魏乎史氏之光耀也因是開館
於內別立史官多以著作卽領帶其職而舊司所掌唯碑誌祭
祝之文在焉然以其能綜群言且居百乘出典下國轉爲卽官
經緯斯文昭宣有政或上遷秘書少監或擢拜中書舍人固不
易其任也天命元聖降而爲唐唐之建官罔非俊乂若虞永興
德函大雅魏侍中才高王佐鄭吏部絕韻鏘鳴崔司業雄詞飛
動皆歷焉今上兼帝王之極功總文武之能事思所以比崇軒

皞紹羨唐虞潤色乎大猷發明乎皇道問誰獻箴則賓客崔氏
問誰執簡則恒傳吳公胡諭德遊又詩騷韋庶子貫珠今古濟
濟多士時惟秉文盛矣哉國風乎雅頌也名嶽已遷別封天柱
舊章不改尚列周官登陟蓬萊之峯循環藏室之奧從容簡貴
信君子保明弘道之司歟今大著作清河崔公名傑夫寶三載
自秘書郎拜閱天祿之圖書踐人文之苑囿澡身於三德研慮
於六經執謙而光好善能擇惠風吟於秀木朗月鏡於安流代
爲元臣家曰茂緒壯宮室者必鄧林之條榦乎以儒雅之姿從
班蔡之後揮綽令譽達于清朝則百祿隨之曷其有極矣先是
命官之記不列于齊以華職忝末班與聞前志拜命之辱敢叙
官之守云時天寶七載二月辛亥記

雙槿樹賦

盧照鄰同崔少監作

賦曰方丈蓬來邈矣悠悠哉芸局石室圖天揆日地則圖書之府
人則神僊之靈中有方舞鬱鬱亭亭兩砌分植雙階並耀葉鏤
五衢榮分四照青陸至而鶯啼朱陽升而花笑紫蒂紅蕤玉蘂
蒼枝露華的皪風色徘徊寂寞條利棲閑此地委命卷舒隨時
榮頓外無嬰天之禍內有逍遙之致則有亭伯儒門令思詩友
翰苑擴其吞夢文鋒高而照斗
律詩

送王龜齡自著作丞外補

洪邁

不柰諸公厭石渠年年送客意何如直言飽誦劉蕡策大意爭
傳賈誼書今日朝廷唯主聖異時風俗要人鉏須君早晚歸遺

補莫戀王門久曳裾

著作佐郎

歷代沿革

同前著作郎沿革

群書要語

著作有局本隸修書

胡文恭行范道卿制

著局有佐

隸修書之任故事到職作名臣之傳

宋敏求制

領佐史筵

高師

說制

遷秘丘撰著之佐

迪制

書省有佐

孫詒制

佐修書筵

張子

方制並胡文恭行

佐著東觀

公是行李謹修制

佐麟臺之著撰

命佐選於道山

並牋表類

蘭臺佐撰

王禹玉制

詩句

子亦東南珍價重不可算

東坡送孫著作

古今圖書集成

學行清修

晉陵朱鳳吳郡吳震並學行清修白首衡門老而未調譚為監

知有史才薦之為著作佐郎並稱其職

晉華譚傳

聲姿清亮

後魏宋弁字義和為佐郎高祖孝文帝曾因朝會歷訪治道弁年少官微自下而對聲姿清亮進止可觀高祖稱善者久之由是大被知遇賜名為弁意取弁和獻王楚王不知寶之理

為文華婉

崔融授著作佐郎為文華婉

極學清選

唐王義方曰臣去歲冬初雲陽下縣丞耳今春及夏陛下授臣著作佐郎極文學之清選

作南郊賦

郭璞作南郊賦獻帝嘉其才拜著作佐郎

撰西觀書

晉束皙字廣微博學多聞晚應司空辟月餘除著作佐郎西觀撰晉書草創三帝紀十志遷博士著作如故

賦懽喜詩

唐杜審言武后召之賦懽喜詩即授佐郎

作濛汜賦

晉張載字孟陽作濛汜賦傳玄見而嗟歎以車迎之言談盡日為之延譽遂知名起家著作佐郎

才堪著作

晉閻續字續伯祭酒鄒湛以續才堪著作薦於秘書監華嶠嶠曰此職閑廩貴重勢多爭之不暇求其才遂不能用

書善著述

陳壽善著述除著作佐郎時夏侯湛等多欲作魏書見壽所作即壞已書張華別傳

并召賜緋

唐陽城以著作佐郎召并賜緋魚

知遇賜名

見前宋弁故事

兼修國史

敬播再遷著作佐郎兼修國史從太宗伐高麗帝名所戰山為

駐蹕播謂人曰鑿與不復東矣已而果然

為後春秋

劉元濟累遷著作佐郎宋魯哀公後十二世接戰國為魯後春秋並唐書

校勘館圖

宋主存少有立志為小官修潔自重為歐陽公所知趙康靖康公薦召試權祕書省著作佐郎館閣校勘校集賢院書籍言

久在館閣

乾道三年七月梁克家奏曰著作佐郎劉焯久在館閣以拘資格除郎不行乞稍遷遂除會要

文學知名

王安中字履道自號初寮先生政和中以文學知名除宗學博士有密薦於上者除著作佐郎

才學世家

李炳字漢老伯父昭玘字成季元祐名士與晁張為徒嘗為柱史炳才學能世其家政和未除書局遷著作佐郎並同上

十年不調

後周黎景熙正定古今文字於東閣大統末拜佐郎於時倫輩皆倍兼常伯車服華盛惟景熙獨以貧素居之而無愧色又勤於職然性尤專固不合於時是以一為史官遂十年不調

三十方為

謝裕時會稽王世子元顥嬖人張法順權傾一時內外無不造

門唯謝裕不至年三十而方為著作佐郎

不為今吏

晉武帝欲以郭琦為著作佐郎問尚書郭璋璋憤琦不附已答云不識帝曰若如卿言為九家兒能事卿即堪郎矣及趙王倫篡又欲用琦琦曰我已為武帝吏不能復為今世更終於家

與免遠官

嘉祐八年詔以秘書省著作佐郎安壽嘗中進士第三人與免遠官今後以為例矣

司天臺

歷代沿革

以鳥名官鳳鳥氏為歷正

鳳凰知天時故

以名歷正之官

商陽氏命南正重司天

周亮命羲和以閏月

定四時成歲曆象日月星辰敬授人時夏有羲和之官

各有太史周有馮相氏掌十有二歲十有二月十有二辰十

日二十有八星之位保章氏掌天星以志星辰日月之變動

以星土辨九州之地所封封域分星觀妖祥以五雲之物辯

吉凶水旱以十有二風察天地之和秦有太史秦漢以來太

史之任兼成周太史馮相保章三職漢司馬談父子相繼為

太史令遷云文史星曆近乎卜祝至宣帝時修撰之職以他

官領之由是太史之官唯知占候而已自古太史之職雖以

著述為宗而兼掌曆象日月陰陽氣數司馬遷既沒之後續

史記者褚先生劉向馮商楊雄之徒並以別職來知史務於

是太史之署非復記言之司故張衡魚鼈王立高堂隆等其

當官見稱惟知占候而已

故後漢太史令掌天時星曆而不

及史掌晉太史令品第七江左以它官兼領高寶以待中陳

卓以義熙守吳道欣以殿中侍御史兼領宋有日觀即司天

臺也齊梁陳並置隋秘書省太史曹置令二人煬帝改曹為

監唐因之武德改為太史局龍朔改秘書閣局光宅改渾天

監其令監置一人正五品又加副監及丞王簿府史等員其

年又改為渾儀監長安二年復為局監依舊為令景龍二年

又改局為監令名不改開元二年又改令為監其下一員改

為少監肅宗改為司天臺掌察天文稽曆數日月星辰風雷

氣色之異率其屬而占每季錄祥青送門下中書省紀于起

居注歲終上送史館歲頒曆于天下宋因梁曰司天監有太

監少監判監或以他官兼判又因同判之名以朝官充太監

及少監闕則置判監事二人以五官正以上充掌察天文祥

異鍾鼓刻漏稽定曆數供諸壇祭祀神位版書日元豐行改

為太史局有令有判局有同判局選五官正以上業優考深

者二人為判及同判掌占天文及風雲氣候察祥異之事日

具所占以聞歲二頒曆則造進御覽祭祀昏冠喪葬則擇所

用日政和因仍無所改其別局有天文院鍾鼓院測驗渾儀

刻漏所印曆所皆主占驗曆法元置司天臺有監少監判官

教授等員所掌亦同

群書要語乃命羲和欽若昊天書敬授人時 倣擾天紀 在

璇璣玉衡以齊七政 協時月正日並同上 太史頒正朔于郡

國周禮同上掌邦之六典觀乎天文以察時變易行夏之時語

人代天工史分日月白氏六帖視四時於玉律掌日之官司

天之吏書雲之史窺管之官日月星辰乾象不忒分至

啓閉歲功有成二十四氣三百六旬當同文之朝思稟正

朔奉天史之職宜察天時並同上分司簡日海錄碎事玉律

調元璿璣授曆思舉日官之職用知天道之玄宋廣平集差進

清臺之秩胡文恭制

詩句秦地立春傳太史漢宮題柱意仙郎唐李白寄司勳員外詩

古今事實

司天曆候

孟春命太史司天歷候日月星辰宿離不忒無失經紀注歷推

測也候占候也宿二十八宿也離猶歷也七曜為經二十八宿

為紀禮記月令

日官底日

日官居卿以底日禮也注位如卿而不在六卿之數故曰居卿

底致也平致也左傳

作渾天

漢張衡為太史官研窮陰陽妙盡璇璣之正作渾天儀以漏水

轉之於室內與天相應若符合

叙三辰

高陽命南正帝嚳亦叙三辰唐虞則羲和夏則昆吾殷則巫咸

周則史佚魯梓慎宋子韋齊甘德鄭裨竈魏石內其巫咸甘石

之說後代所宗 晉書

奏五官正

唐乾元二年知司天臺韓頰奏勅創置五官正職配五方上稽五緯

奏五星差

治平元年初上卽位司天監奏崇天曆五星之行及諸節氣有差詔權判司天監周琮七人同造新曆

增六十甲子

至道二年司天冬官正楊文鑑上言請於新曆六十甲子外更增六十年事下有司判司天臺苗守信等議以為元無所依據不可行用上曰支干丞相雖止於六十事倘兩周甲子共成上

壽之數使期頤之人得見所生之歲不亦善乎因詔有司新曆以一有二十甲子為限

獻九卷新曆

興國四年司天冬官正吳昭素及劉內直苗守信造新曆凡經紀為二卷晨昏為一卷日躔陰陽經一卷日出入刻為一卷晝夜刻分一卷五更中星一卷共九卷以獻上命衛尉少卿元象宗與明曆者同校定賜號乾元曆上自製序

造渾儀式

興國四年以司天監學士張思訓為渾儀丞先是思訓自言能為渾儀因造其式以獻上召南方上官於禁中如其式造之踰年而成機思精至詔置於文明殿東南隅漏室中因有是命

言渾儀制

至道元年十二月新鑄渾儀成先是司天秋官正韓顯符請言
 新鑄渾儀制度九事至鑄成於司天監築臺置之賜雜綵五十段
 保章大夫周禮有保章氏秦漢以來無其職後周春官府有保
 章上士中士至隋置歷博士又置保章正掌習曆唐長安四
 年改曆博士為保章正掌教曆生乾元元年加五官之名宋
 司天監有保章正慶曆詔十年一遷元豐改制掌曆法及測
 景分至表準五年一遷官元有保章大夫

靈臺郎

後漢

太史下別有靈臺丞掌靈臺掌候日月星辰魏太

史有靈臺丞主候望郎隋有天文博士唐初因之長安二年

改為靈臺郎乾道元年改五官之名宋司天監有靈臺郎慶

曆詔十年一遷元亦有靈臺郎之官

挈壺郎

周

制夏官挈壺氏下士六人秋官司寤氏春官雞人九

三職咸掌其事自漢以後太史掌之唐長安四年始置挈壺

正掌知刺漏孔壺為漏浮箭為刺以考中星昏明之候乾元

元年加五官之名宋司天監有挈壺正元豐改太史局官惟

挈壺正如故太史局官有五年一遷十年一遷試中而遷者

惟挈壺正無遷者元有挈壺郎

群書要語

挈壺氏凡軍事縣壺以序聚櫟

周禮

挈壺正司辰

唐

大典

朝廷興居無節號令不時挈壺氏不能掌其職焉

詩

古今文集

雜著

辯陳壽蜀不置史館論

唐子西

禮記人君言則左史書之動則右史書之周禮建官備矣獨不聞有所謂左右史者雖有太史然不以記注爲職是時諸侯皆有史豈天子獨闕乎春秋之時卜田宅者占雲日者皆稱太史則太史殆陰陽家者流然書趙盾者書崔杼者亦稱太史則太史又似掌注記者蓋方是時學者適知天人而卜與廢者亦不純用著龜太史伯以祝融之功而推楚國之必興太史趙以虞舜之德而占陳氏之未亡其論議證據有絕人者故陰陽注記得兼掌之漢司馬談父子爲太史令以論著爲已任而又掌天官則兼掌之效於茲可見魏晉之際始置著作郎自是太史之職分而爲二孔明之時未也按後主景耀元年史官奏景星見

於是大赦改元而曰蜀不置史妄矣

文集

律詩

司天臺

山甫

拂雲朱檻捧昭回靜對銅渾水鏡開太史只知頻奏瑞蒼生無計可防災景公進德星魯退漢帝推誠日爲迴何事曠官全不語好天良月鎖高臺

新編古今事文類聚新集卷之三十終

事文類聚

卷之三十

十八

德壽堂

